

硃批諭旨

郝玉麟奏摺下



硃批郝玉麟奏摺

雍正八年十一月初二日廣東總督臣郝玉麟謹



奏為微臣戀

主情殷恭請

陛見用伸積悃事竊臣樗櫟庸材至愚極陋重沐

殊恩鏤刻難報上年臣於提督任內具摺奏請

陛見欽奉

硃批命臣速赴廣東總督新任到任料理一二年周悉

地方情形之後再來面朕亦不為遲欽此欽遵今計

皇上臣到任以來已經一載有餘仰賴

硃批諭旨

下

郝玉麟

皇上洪福比年收成豐稔現今米糧價值甚平凡海洋
大盜山林匪類頗知斂跡惟是廣東地方山海交
錯習氣相沿臣職任重重大知識淺短必得跪聆
聖訓俾臣有所遵循況臣受

恩深重未獲一覲

天顏臣犬馬之私何能自己伏乞

皇上鑒臣愚忱

允臣所請准予

陛見臣即欽遵輕騎赴京叩仰黃東懸望

天顏跪聆

聖訓俾微臣依戀之誠得以稍慰而一切吏治民生之

事亦得面請

訓旨遵奉措施臣無任懇切待

命之至伏乞

睿鑒批示遵行謹

奏

粵東諸務尚多未經就理路途遙遠且不必來京但能

效法鄂爾泰之居心行事勝如來京見朕也

奏

奏為奏明事竊照前者逆賊曾靜狂悖無知仰蒙

殊批諭旨

下

二

郝玉麟

皇上如天之仁格外寬宥
欽頒諭旨昭示中外俾令愚蒙之輩共曉然於大義臣
欽遵

聖旨通行刊刻頒發在案茲廣東修輯通志經布政使
奏王士俊聘請浙江告養庶吉士魯曾煜董理其事
魯曾煜據魯曾煜以所定志書稿就正於臣并向臣云諭
命之旨內張熙口供有屈溫山集議論無不與逆書相
合之語現修廣東志書纂輯從前文集有屈翁山
其人恐卽屈溫山等語臣正在密加察究間據逆
賊屈翁山之子屈明洪現任惠來縣教諭赴廣州

潮州三府出首伊故父翁山文外詩外等書語多
悖逆投監認罪等情由布政使王士俊等詳報前
來除會疏

題參外事關逆賊私著逆書理合恭摺具奏
奏伏乞

睿鑒謹
奏
知道了會靜既寬此亦當寬宥者

雍正八年十二月初二日廣東總督臣郝玉麟謹
奏爲敬陳愚悃仰祈

睿鑒事竊臣於本年十一月二十日接讀邸鈔知有滇
省烏夷叛逆一事變起倉卒以致傷殘文武兵民
臣實痛心切齒憤恨無極今督臣鄂爾泰既調三
省官兵進剿諒茲釜底遊魂自當尅期而定臣愚
陋淺識何敢越職妄瀆但臣在滇年久夷獠之情
狀頗爲熟悉凡有所知敢不冒陳愚悃伏查烏逆
所恃惟在涼山大兵到日烏逆一經破敗必以涼
山爲竄匿之所倘涼賊拒而不納或擒而出獻事
屬易結否則進剿機宜尤須斟酌查川省之兵與
雲貴官兵相距尚遠逆賊旣守各隘會兵非易則

川貴官兵重在分勢夾攻而進剿全力惟藉滇兵
督臣鄂爾泰節制三省勢難親歷行間臣自顧才
命之雖謏劣而深受

國恩涓埃莫報犬馬之私實難自巳況臣歷任雲南
二十餘載熟悉夷情若得身歷行間加以鄂爾泰
聖旨之指示臣仰仗
天威必能勦平逆獠以報

主知且夷性反覆不常善後尤關緊要臣亦可親歷其
地相度情形與督撫諸臣商酌布置務期一勞永
逸俾臣藉以仰報

殊恩於萬一倘蒙

俞允查臣已具摺恭請

陛見在先伏祈

聖恩准臣赴京跪請

聖訓面聆方畧再往雲南料理軍務則臣所有面陳之

事得以

上達并臣依戀之私亦得以稍伸矣臣無任惶悚待

命之至謹

奏

烏蒙事仰賴

上天默佑業已平復諸務俱經就緒爾殊屬多此一奏且

識見亦甚卑鄙

同日又

奏為遊棍招搖據實奏

聞仰乞

聖鑒事竊查粵東鹽政流弊甚多商疲竈困臣是以事

事

奏請

聖裁逐漸清釐整頓近亦稍有就緒商竈人等無不感

殊批諭旨

下

五

郝玉麟

皇仁急公承辦今年鹽足餉完毫無異議乃有江西遊棍皮應瑞者臣前聞其向會作幕於本年正月內請其到署相幫及接見之下見其言論舉止膚浮輕躁聞其家眷現在廣城又現同刑部侍郎王朝恩之家人在連州行鹽恐其出入關防不便隨即婉辭伊卽悻然別去九月間鹽道馮元方因公來肇稟云有江西人皮應瑞近日在省甚屬招搖宣言伊作一摺稿寄與舊東侍郎王朝恩代奏請借庫銀三十萬與商人今王侍郎寄信來說已經具

奏又聞伊向衆商云已蒙日黃東蘇督臣王勳請皇上俞允以致各商聽信事事觀望等語臣一聞此言不勝駭異卽諭鹽道嚴飭各商上緊轉輸毋得聽其狂言愚騙去後忽於十月內該棍復又到肇拜呈云有說話臣因其現在招搖不便相會託言辭去繼因臬司黃文煒公事來肇臣面問其事據云寄摺代奏之事果聞其說臣因已經覆實奏

奏王朝恩條議鹽政一摺未奉諭旨臣因已覆實奏聖諭不敢聲言豈意該棍以臣不令相會到處毀詆又見臣知而不問愈肆招搖且又揚言必再上摺等

語并將摺稿鈔錄令該棍商夥許紹祖交鹽道轉
送臣看臣思此等膽玩棍徒若不早爲懲儆將來
必致有壞鹽政除將皮應瑞飭行地方官暫行嚴
加守候外事關宜露密摺臣不敢不據實奏

聞伏乞 聖鑒施行謹 奏
皇上睿鑒施行謹 奏因其與主爵不與外會請旨
奏其 聖恩賜去對感德十日內若 聖恩又 臣
此係棍徒中之尤者情狀其屬可惡嚴拏審擬具奏以
聞 聖諭文以姓各商離計專事購望等語臣一聞此言
奏 雍正九年正月二十日廣東總督臣郝玉麟謹

奏爲奏請

聖裁事竊查粵東地方山海交錯匪類最易出沒所在
村莊以及緊要之處無不設立墩臺撥兵戍守但
聖恩查向來修理營房墩臺等項責令附近居民料理
竝不動用公項雖設兵原以衛民在百姓修整營
房墩臺以爲兵丁守望之所亦屬分所宜然但百
姓未免視爲兵舍率多潦草塞責而兵丁又視爲
地方修整漫不經心粘補以致修整無休經時累
月兵民每起爭端不能依限完竣况營房爲兵丁
棲止之地若不卽時修整則有露處之虞而工料

出自里民若地方官稍不留心胥役人等又有侵
漁之弊是營房等項令民人修理實有未便臣伏
覩我朝營房等項令民人修理實有未便臣伏
皇上愛養兵民至周至渥且查山東等省修理墩臺等
項俱於存公銀兩動支辦理所有粵省營房等項
可否仰邀
聖恩准於公用項下或雜款餘銀內動支分別衝僻蓋
造瓦屋草房定以修葺年限則百姓無絲毫擾累
兵丁咸得及時棲宿地方獲藉巡防之實效兵民
永戴浩蕩之

皇恩矣臣因地方起見理合恭摺具

奏伏乞

皇上聖鑒施行謹

奏

公用銀兩原爲地方公務而設據奏如是兩益兵民何
靳而不爲耶汝等計議妥協酌量行之

雍正九年三月初九日廣東總督臣郝玉麟謹

奏爲海洋積盜悔罪投首

奏明安插事竊照廣州府屬香山新會地方有百峯
山及黃陽石橋等山袤延深密逼近海洋從前原

有匪類聚匿時出洋面擾害商民臣到任後業已委弁將盜首李奕揚及陳大樂等先後擒獲俱經奏明在案續又訪得尚有混名查面五卽林兆榮者原係李奕揚舊夥盤踞百峰山爲匪黨渠魁臣卽諭令守備馮元設法搜捕務盡剪除今據馮元稟稱奉諭帶領弁兵等入山搜探於本年正月二十日據效力李德賀功加張武等帶領林兆榮暨夥黨李亞壬葉永快李亞長林亞四黃亞二周成球等七人前來稟稱情願投首效力贖罪等語隨據該備卽押解到臣臣卽親加研訊俱已取有確供

緣林兆榮等係大盜李奕揚夥黨是以從前多方緝捕今旣經投首似應照例免罪安插妥協查向來所有撫丁或一二百名或數十名曾經奉

旨分發直隸等省食糧入伍茲林兆榮等久匿山中路徑熟悉蹤跡稔知倘遇匪徒潛匿可用爲嚮導以資緝捕且人數無多分撥約束亦不至有彼此勾引之弊此臣愚昧之見可否留於本省派撥營伍令其效力之處理合具摺奏請

睿裁伏乞

聖鑒謹

硃批諭旨

下

九

郝玉麟

奏

既據奏稱可資緝捕林兆榮等准留督標效力行走

雍正九年八月初八日廣東總督革職留任臣郝

玉麟謹

奏爲奏明酌設緝私巡丁以專責成以裕課稅事竊
照廣西一省鹽務雖額輕引少官運官銷易於辦
理然亦須私鹽斂跡充斥無虞始於課稅有裨臣
查西省引鹽一由廣東省河轉運至梧州府上倉
一由廣東廉州府轉運至廣西江口中屯地方上
倉兩處水路臣已屢飭各該地方守口盤查人員

實力稽察近日一應運鹽船戶以及往來各項船
隻俱不敢夾帶影射惟廣東之高廉二府場地零
星綿延散漫竈曬走漏極多最難稽查又因界連
廣西私販悉由陸路挑載一路衝入廣西南寧一
帶蔓延思恩太平及賓州各屬一路衝入廣西鬱
林等州縣蔓延梧潯兩府各屬地方動輒百十成
羣逾山越嶺各州縣捕巡人役無幾莫敢堵擒臣
查此等私梟原屬烏合不難堵截總緣事無專責
以致橫行無忌臣現在飭行西省鹽道另募壯健
巡丁一百名擬於臣標專派外委千把二員前往

率領分爲二路各於私鹽衝入去處駐劄晝夜巡查堵禦聽西省鹽道約束調遣并咨移西省轉飭各地方文武嚴飭汛守弁兵地方鄉練會同稽查倘遇私梟充斥協同巡鹽弁丁奮勇擒拏接應將所獲私鹽一半給賞一半充餉則私梟自可斂跡不獨官引易銷地方亦可藉以寧謐至於所募巡丁工食并千把盤費每年總於西省鹽餘內支用開銷無容動支正項臣因調劑鹽務地方起見事關動支鹽餘差委標弁赴西省巡查理合具摺奏聞伏乞

皇上睿鑒施行謹

奏

此乃因地制宜通融辦理事務在汝斟酌爲之如應達部咨部存案

同日又

奏爲酌劑廣西鹽務裕課便民仰乞

聖裁事竊查廣西引鹽經臣

奏請革去辦商名色專責各地方官辦理一應鹽斤俱係該鹽道差委員役由廣東省河運至西省梧州府以及廉州各場運至廣西江口上倉存貯聽

各地方官陸續領運行銷必得梧州江口倉鹽豐足無缺方可源源配兌及時運銷則民食無誤課亦易辦若遇雨水偶多場鹽少產或海運風信不常廣東省河鹽少則梧州倉鹽不繼各地方官不能及時領運不獨有誤民食因而課稅亦遲臣查廣西向有秤頭餘鹽一項若行銷迅速每年可獲餘羨銀一萬三四千兩不等名爲鹽餘除每年提解一萬兩歸入廣東京羨項下報解歸公外尚可餘銀三四千兩以備鹽船遭風失水賠補之需經臣於廣西撫臣金鉷請動鹽餘銀兩幫貼塘站工

食案內

奏明在案今查數年以來至雍正八年歲底止除一切支用之外已積有一萬六百餘兩現在道庫實屬羨餘無事支用又係歷年湊積之項久久不無牽混臣請將此項銀兩飭行廣西鹽道在廣東省河以及廉州府於西省額引之外另買鹽二萬四千包運至梧州府并江口兩處上倉存貯凡遇西省引鹽遲缺之時卽將此項存鹽及時配發行銷俟引鹽運到卽抵還存貯永爲西省預備鹽斤附

奏銷卽遇鹽道陞遷事故一體交代則西省無缺配之虞居民無淡食之慮稅課易辦官無重累國計民生甚有裨益其一應鹽價運脚以及添蓋倉廩等費卽於前項現存銀內支用經臣檄行廣西鹽道查議去後旋據覆稱實屬妥便可行但買鹽二萬四千包爲數甚多挽運不易而現存之銀尚不敷用請每年買運八千包分作三年買足其不敷之銀總於雍正八年後鹽餘內添用等由到臣事關預備鹽斤臣未敢擅便理合奏請聖裁批示倘蒙

俞允臣當恭疏具

題爲此謹

奏

似此裕課便民應行事宜何故不允具疏題請可也

雍正九年九月二十八日廣東總督革職留任臣

郝玉麟謹

奏爲密拏逃盜事雍正九年九月二十六日臣因公在省據廣州城守副將毛克明赴臣行署密稟本日午刻有湖廣差官毛峻德到職衙門說稱奉湖廣總督差拏行劫江西官署盜犯沈二前解至湖

廣孝感縣楊店地方脫逃奉

旨嚴拏今追緝來廣查有蹤跡懇請撥差官兵協拏執
有湖廣邁總督委令密拏印信牌文經職驗明合
行密稟等因臣隨諭該副將帶領弁兵親往協拏
務期弋獲嗣據毛克明稟稱逸盜沈二經地方文
武官弁兵役同楚省差員人等追緝至桑園地面
協力擒拏該犯竟敢持械拒捕衆人奮勇圍擒始
得就縛并拏獲隨行王姓一犯又跟隨沈二之小
子二鎖兒一名并行李衣服物件一併押交番禺
縣收禁等語隨據該縣訊取各供詳報前來臣卽

批按察司再行確審供情嚴加肘鎖差委弁員多
撥兵役協同楚省員役咨解湖廣督臣邁柱外理
合恭摺奏

聞謹

奏

緝獲要犯可嘉嚴行押解方不致有再逸之虞

雍正九年十月二十二日廣東總督革職留任臣

郝玉麟巡撫臣鄂彌達謹

奏爲奏

聞事竊照粵東風俗輕悍民多愚頑臣等每於屬員因

殊批諭旨

下

十四

郝玉麟

公謁見諭令不時察訪毋使姦匪潛爲不法詎有
饒平縣已革武舉余猯先因窩賊犯案經潮州府
通詳革究余猯仍於本年九月初二日夥同陳阿
幼等在海陽縣屬之歸仁都橫溪鄉託稱拜父母
會歆血結盟煽惑愚民以致聯界之揭陽縣河婆
地方居民驚恐逃避當經地方官曉諭各已安業
隨據海陽縣知縣張士璉訪聞經文武官弁陸續
拏獲余猯等一十三人訊據供認糾黨欲圖劫害
官衙以洩私忿等因稟報前來臣等恐有別情適
潮州府知府胡恂因公在省卽令其星馳回郡料

理出示安慰一面行司轉飭究訊去後茲據該縣
稟報隔別研訊始據各犯供係余猯爲首令陳阿
幼等糾合會盟方行招致卽爲發覺等語臣等查
此等匪類散布流言煽惑愚民雖不足深信但事
關歆血結盟此外有無通同匪類亦未可定若不
親加嚴訊恐無辜者或有株累而姦徒或致漏網
隨會差官弁遍示軍民人等如有首犯余猯挾讎
妄扳者槩行不究加意安撫以慰人心一面多撥
兵役將余猯等提至省城會同觀風整俗使暨布
按二司研審實情究明黨數另行請

旨外現今地方寧謐人民安堵理合據實先爲奏
聞伏乞

皇上睿鑒謹

奏

凡遇此等事件萬不可疎懈馴至養姦遺患假若稍存
姑息之念希圖苟且結案以爲能化大事作小事則誤
矣但母波累無辜爲要

雍正十年二月十二日廣東總督革職留任臣郝

玉麟謹

奏爲通核息銀數目酌議分給協營恭請

聖裁指示欽遵事竊照廣東兵丁仰沐

聖朝豢養

洪恩足糧足餉咸登衽席乃復蒙我

皇上垂念各兵吉凶之事不無所需

敕發帑銀賞給營運生息以濟其用除駐防八旗甲兵

外督撫提鎮各標又蒙

恩賞帑本銀一十萬兩實亙古未有之

曠典臣身膺全省之任自當悉行籌畫務祈均沾

天澤以垂永久查廣東通省綠旗額兵共七萬二千六
百零四名內督撫提鎮兵二萬五千八百零二名

又將軍標暨十四協三十五營寨共兵四萬六千
八百零二名臣標原領帑本一萬八千兩借給鹽
商每月每兩二分起息先自雍正七年十一月起
至九年十二月底臣標共獲息銀并原存平餘共
一萬三百四十餘兩前計息銀已經豐裕經臣具
摺

奏明於雍正九年正月開賞至本年十二月底共
賞過各兵吉凶事銀一千六百一十四兩外存帑
本并餘利息銀共二萬六千七百三十兩零撫標
原領帑本六千兩據該中軍冊報自雍正七年十

一月起借給鹽商至九年十二月底共獲息銀并
原存平餘共三千四百九十兩自雍正九年正月
起至年底共賞過各兵吉凶事銀五百兩外存帑
本并餘利息銀共八千九百九十兩零提標原領
帑本一萬八千兩據該中軍冊報自雍正七年九
月起借給鹽商至九年七月得獲息銀共一萬一
千一百九十七兩自雍正七年十月開賞起至九
年十二月底賞過各兵吉凶事銀七百三十八兩
零又動支開張當舖錢店銀八千五百二十餘兩
現存貯帑本并餘利息銀共一萬九千九百三十

兩零左翼右翼碣石潮州高州瓊州南澳七鎮原
共領過帑本五萬八千兩案據各鎮報稱或借給
鹽商或開張當舖或置買田產營運生息之處或
每兩二分或二分有零不等經臣據議

題報在案現今行查息銀實數統於造報到日彙核
外伏查臣標額兵四千五百零三名一年賞銀止
一千六百一十四兩撫標額兵一千四百三十名
一年賞銀止五百兩提標額兵四千三百九十七
名一年有餘賞銀止七百三十八兩據此臣通盤
核算卽以臣標爲之準則各協營俱照此一例核

算每年通省兵丁只共約需賞銀二萬五千七百
餘兩今督撫提鎮各標已現有帑本并餘剩息銀
共一十二萬二千一百七十兩零通以二分生息
計算每年已約可獲息銀二萬九千三百餘兩儘
將所獲息銀均勻散給則各兵已得均沐

恩賞不須再給帑本致年久或有侵那之弊臣愚見本
年各鎮所獲息銀除行令仿照臣等標兵賞數酌
量存留該鎮給賞之外悉於年底造具清冊定限
次年正月內同餘剩息銀解赴藩司衙門臣亦將
本標并撫提二標餘剩息銀一併奏入按照各協

營寨兵數之多寡均勻分給令該營將領收貯卽於雍正癸丑年開賞以濟各兵吉凶之用年底造報臣衙門查考彙冊報部如此則事得畫冊皇上恩澤普垂久遠矣臣與撫臣鄂彌達再四籌畫意見相同謹合詞繕摺奏請
聖裁如蒙

俞允容臣另疏具

題爲此謹

奏

料理甚屬妥協候另有諭旨頒發

雍正十年二月十九日廣東總督革職留任臣郝

奏玉麟謹

奏爲海疆關係緊要酌擬陞調之員恭懇

聖恩以裨地方營伍事竊照粵東濱臨大海水師員弁較陸路尤爲緊要茲有春江協副將陳顯患病不能辦理營務經臣委員驗實現在

題報所有該協員缺係屬水陸專營副將必得熟識水性辦事勇敢之員始克勝任查有南澳鎮屬澄海協副將許大猷結練水性船務辦事實心堪以調補春江協副將其澄海協副將員缺查有大鵬

營參將許國騰練習舟師馭兵有方堪以陞補澄
海協副將其大鵬營參將員缺查有海安營遊擊
錢志漢吳川營遊擊蔡文昇俱係諳練水師勤幹
之員經前任督臣孔毓珣保送業蒙

恩准在案仰懇

皇上於此二員內

簡放一員陞補大鵬營參將則各協營均收得人之效

矣臣因海疆地方關係緊要不揣冒昧據實

奏請可否陞調

洪恩出自

聖裁謹

奏

覽奏俱悉內惟錢志漢不似有膽量之人蔡文昇雖心
胸明白才具好頗欠誠實皆非朕所深取者今命爾赴
閩署理總督印務可傳旨與鄂彌達令伊於此二員中
檢選一員題補大鵬營參將可也

雍正十年四月初六日廣東總督革職留任臣郝

玉麟謹

奏為

聖恩愈厚感激愈深恭摺

硃批諭旨

下

二十

郝玉麟

聖 奏謝仰請

訓諭事竊臣一介庸愚荷蒙

皇上洪恩畀以廣東總督重任三載於茲涓埃莫報悚
惕之懷時深朝夕茲奉

恩綸命臣署理福建總督印務聞

命自天感激無地伏念閩省前距澎臺諸島後係三吳
門戶實爲邊海要區臣以庸材恭膺

簡命惟有實心實力無欺無隱凡屬地方事務細加詳
察敬謹辦理但臣知識淺陋福建地方緊要仰求

皇上天恩俯賜訓示俾臣少抒犬馬之誠仰報

高深於萬一耳臣卽於本月初六日起程赴閩外所有

臣感激下悃理合恭摺

奏謝伏乞

睿鑒謹

奏

但能勉法鄂爾泰之居心更有何可訓諭竭力爲之莫
負朕之倚任

同日又

奏爲奏

聞事竊臣庸陋下材膺受封疆重任今又荷蒙

殊批諭旨

下

三

郝玉麟

聖恩著臣署理福建總督印務臣益兢兢惕勵敢不竭
盡駑駘力圖仰報前因臺灣土番不靖拒敵官兵
臣以閩省接壤緩急宜防檄令近界員弁留心探
訪併檄飭沿海鎮協各營多撥遊巡密加防範嗣
陸續據報兇番猖獗官兵屢被殺傷臺鎮總兵官
呂瑞麟於二月初六日遣岸裡後壠二社土官齎
帶元寶瑪瑙珠眉額綾襖等物前往招撫初七日
泰阿里史牛罵土番在犁頭莊截途殺死挑販數人
淡水路不通等由到臣探得兇番實無多人原
高將不足慮但聞臺地客民雜處每多作姦煽惑自應

懾以軍威速為殄滅安撫善良俾兇番咸知凜遵
國法若未經大振軍威使其畏威懷德遽行招撫苟
且完事似非奠安海疆之策臣查廈門距臺甚近
一切軍機事務便可料理臣今由漳州一路先到
廈門面詢提臣許良彬細訪一切情形事宜如兇
番已就擒縛臣即赴福州駐劄衙門辦事若兇番
尚在未靖臣即一面相機斟酌料理務期仰體
聖心悉心籌畫寧謐地方稍圖報效於萬一耳為此恭

摺

奏明伏乞

皇上睿鑒謹

奏

汝其酌量行之

雍正十年五月初七日署福建總督臣郝玉麟謹
奏爲臺疆安帖情形仰祈

睿鑒事竊臣荷蒙

皇上命署福建總督印務於四月初六日自粵起程因
屢聞臺灣土番不法戕害官兵當經恭摺

奏明先赴廈門就近相機料理隨抵漳州府地方詢
問文武各員僉稱臺地尚在未靖臣卽於四月二

十八日渡海到廈據提臣許良彬備言臺匪情事
竝云准陞任鎮臣王郡移請撥兵隨經檄調弁兵
赴臺策應署督臣阿爾賽亦檄撥兵二百名赴臺
應用又見廈門商民亦多驚惶并經酌撥兵丁分
行防範等語臣查土番原無足慮竊恐姦民乘間
煽惑致使地方不安必須嚴加防禦隨與提臣細
加籌畫酌撥陸路弁兵赴臺候調竝嚴飭水陸汛
防加意巡緝茲於五月初四日接到提臣王郡致
署督臣阿爾賽雙羽公文一角臣拆閱內開南路
姦民一事起於鳳山縣濁水溪阿猴林等處三月

二十九日賊到岡山汛與兵夫殺三十日賊焚舊社四月初一日焚石井猴洞豎旗招匪旗寫夫明等字樣初二初三攻打埤頭營盤燒燬萬丹巡檢衙署本職隨親帶弁兵赴舊社岡山等處率同弁兵殺賊大敗守備張玉外委千總陳學聖外委把總鄭光弘兵丁陳得添等八名奮勇陣亡本職於初六日回府現在賊散民安擒獲首賊蕭田等便宜正法餘孽正在搜捕惟吳福生一犯尚在懸賞購緝土番各社俱已就撫止有大甲西首犯罪在不宥分別辦理是北路勦撫頗有就緒南路小醜

撲滅已經蕩平并止署督臣阿爾賽所撥兵丁不必過臺等語此皆

皇上恩威遠播姦匪就擒地方已獲寧謐

聖恩臣王郡務將未獲兇番姦匪料理妥協使海疆得

以永靖至王郡既止署督臣阿爾賽所撥兵丁不

必過臺臣與提臣所撥兵丁隨檄行緩發去訖

又接臺灣府報文本年自春以來少有霖雨今四

月初七八九等日府屬臺灣諸羅鳳山三縣時雨

霑足早禾雜糧芒蔗咸皆茂盛民心歡悅彰化得

雨情形現在飭查等語臣閱報文不勝為臺海兵

民欣幸仰沐
皇上洪福於無疆矣除南北兩路啓釁緣由容准細查
諸案分別具
題外切念臺地被難民番亟宜撫綏安輯出征弁兵
亟宜犒勞陣亡帶傷弁兵尤宜優恤義民亦當獎
勵臣謹宣揚
聖恩現在逐一料理以示勸勉并行令臺灣府酌動庫
項一千兩分交提臣王郡鎮臣呂瑞麟以爲行間
賞恤之用事竣開報會奪現在沿海一帶民人聞
知臺地已經寧謐之信兼有多船裝載米糧赴內

地糶賣廈門地方米價甚平人民安堵臣謹將准
到提臣王郡知會臺灣安帖情形會同水師提臣
許良彬恭摺合詞奏

聞伏乞

皇上睿鑒謹

奏
覽臺郡安帖情形朕懷深慰

土備雍正十年五月二十九日署福建總督臣郝玉麟

謹將各開奏

土奏爲欽奉四月十二日

硃批諭旨

下

五

郝玉麟

上諭事本年四月十二日署督臣將軍阿爾賽任內准
兵部咨開雍正十年三月初十日內閣奉

上諭前降旨令將福建兵丁內籐牌手挑選五百名分
送京師及北直陝西山西三省以備教習之用昨據
總督劉世明奏報所挑牌手已於二月內令其起程
等語朕思此挑選兵丁所遺額缺理應召募技勇精
熟之人卽行充補以實營伍著傳諭署總督郝玉麟
等遵照辦理欽此臣於本年五月二十四日到臣福
州駐劄衙門隨查此項挑選籐牌兵丁五百名所
遺額缺前署督臣業經欽遵人只及數百餘名

上諭檄行各標鎮協營召募技勇精熟之人充補在案

臣思此項挑選兵丁分送京師及北直陝西山西
三省乃係勤勞

王事遠出教習之人原籍各有家口未免內顧分心臣
仰體

皇上天恩現在熟籌安頓其家口俾遠出兵丁可以無
慮謹具摺奏

聞伏乞

睿鑒謹

奏

安頓籐牌兵丁家口之處前經阿爾賽議奏甚屬妥協
已有旨矣可照行之

雍正十年閏五月二十四日署福建總督臣郝玉

麟謹具摺奏

奏爲彙報二麥已獲豐收早稻旋登大有據實奏
聞事竊臣奉

命到閩之日適值二麥收成之後已據各屬報稱十分
九分八分不等茲據布政司劉藩長彙報通省二
麥收成分數臣查今年泉漳二府種麥最廣其收
成十分者居多而八九分者間有一二處福興二

府福寧二州種麥亦多其收成十分九分八分者
各居其半若延建邵汀四府上遊之地宜於禾稻
種麥者少收成七八分不等臺灣海外不種二麥
命然通省雨暘時若是以青黃不接之時米穀價平
民食充裕至現在之早稻秀實可觀臣到省連日
郊外勸農卽據農人僉稱今年早稻茂盛倍於往
時今已將次收穫可望豐登臣隨查通省早稻情
形據各屬所報亦與省城彷彿無異理合恭摺奏

聞伏乞

皇上睿鑒謹

殊批諭旨

下

七

郝玉麟

皇奏

覽五麥豐收並早稻茂盛情形不禁以手加額為閩民稱慶也

同日又

奏為海疆教化宜先頑民管轄宜近謹陳漳南地界

情形酌議分駐改轄事竊

命署理福建總督印務訪聞福建漳泉地方多有巨姓自恃族大丁繁往往以強欺弱抗糧毆差械鬪匪犯種種不法官吏坐受處分鞭長莫及迨由粵入閩即從詔安平和等縣直至漳州府一路細加

查問文武屬員僉稱惡習仍然未除復據漳州府稟稱平和縣南勝五寨坂仔洋頭等處大姓聚族環居列處每因小事動輒黨眾列械互鬪殺人竟同兒戲至南靖縣車田地方離縣甚遠俗悍民刁遇事緝犯亦俱抗匿不出前經卑府審度風土情形議將本府同知移駐南勝彈壓其南靖之車田割歸漳浦縣管轄通詳在案等因到

臣臣隨查漳

州府通詳原案內稱平和縣南勝地方離縣一百

五十里附近五寨洋頭坂仔瑄溪山隔黃井翠微

三坪透龍等處民居稠密楊林胡賴葉陳張李蔡

黃諸姓環列聚居且墟場雜沓歷來逋糧械鬪毆
差匿犯事案疊積議撥漳州府同知分駐彈壓其
地又稱南靖縣車田地方共一十五保離縣一百
五十里東至漳浦縣城止一十五里其兇惡刁悍
無異平和南勝等鄉議將車田十五保之田園丁
口錢糧等項割歸漳浦縣就近管轄由司道會核
轉詳在案臣思欲整刁悍宜先化導查漳州府同
知無錢糧刑名之任惟有海防之責今分駐南勝
實居浦靖和詔四邑之中就近化導彈壓并理海
防事務每於朔望宣講

上諭督率各耆民并家族房長朝夕訓誡涵濡歲月久
久自能移易甚爲妥便至於車田地方丁糧田主
割歸漳浦縣就近管理尤爲便利詢及司道咸稱
土俗亟須變通除會同撫臣趙國麟恭疏具奏外
題外所有酌議分駐改轄緣由理合具摺奏

聞伏乞
睿鑒謹

奏

覽奏將南靖所屬車田地方割歸漳浦并將同知移駐
南勝彈壓等議俱屬合宜具題到日有旨但此同知務

須得人方始有益當慎加選用爲要

同日又

奏爲恭懇

聖恩事雍正十年四月二十九日署督臣阿爾賽准兵部咨開本年三月二十一日欽奉通飭營伍革除空糧陋規諸弊

上諭一道當卽欽遵移行各標鎮協營去後茲臣准水師提臣許良彬咨開各標鎮協營每兵百名前經會奏存留守糧三名以爲修理軍械及營中公事

上諭有營伍公用無資定有額兵百名准抽二名之諭旨今應否改爲二名抑或仍照原

奏存留二名咨請示覆等因到臣查閩省邊海重地各營公務繁多水師又有燂洗戰船等費前經提臣石雲倬督臣高其倬提臣藍廷珍先後奏請水陸各標鎮協營每兵百名存留守糧三名以爲整頓軍裝之用仰蒙

聖恩俞允欽遵在案臣自粵入閩一路觀看營伍盛甲旗械名雖齊備但內中多有舊敝鎗械亦覺參差不一亟宜修整以壯邊海軍容且年年操演鎗礮

製備火藥暨營伍一切公事所需均係公糧三名
內支用所有閩省現今存留公糧仰懇

皇上天恩應否賞照原存三名之數以濟修理軍裝等
用

洪恩出自

聖裁如蒙

俞允臣仍不時嚴行稽察務使核實辦理不得少有虛

冒俟軍裝鎗械整齊完日臣核定公糧名數另摺

請

旨遵行爲此恭摺具

奏伏乞

皇上睿鑒施行謹

奏

此事與阿爾賽商酌定議行之

雍正十年六月二十日署福建總督臣郝玉麟謹

奏爲奏明事竊臣抵福建署任後據臣標中軍副將

王振稟繳閏五月分馬兵六十分餉銀到臣據稱

此係總督衙門隨糧卽在督標三營額兵名數之

內歷來按月呈繳以聽隨丁補入臣復詢問旣係

馬糧馬匹現在何處據稱相沿止繳餉銀實無流

交馬匹細查竝無案卷不知起於何年等語臣當將所交銀兩仍發王振收貯留爲公用外伏查馬糧六十分一年約有銀二千餘兩雖係向來督臣衙門相傳舊例臣思從前未定養廉或留充爲養贍家口之用今已蒙

聖恩賞給養廉銀一萬六千兩之多一切用費實屬充裕此項馬糧卽應隨時招補惟是招補必須連馬併發今旣無馬又無馬價計此六十匹營馬需銀一千三百有零實無項可動旣不便令官賠補更不便令兵自備臣再四思維查閩省邊海重地兵

額不便虛曠雍正八年內經前任督臣劉世明

題准臣標添設水師一營卽於本標撥出陸兵七百五十名外於水師提標并閩安協調出趕繒船四隻將原配兵丁共一百五十名卽爲新設水師教習仍支各原處糧餉原議臣標兵丁內如有缺出卽令教習兵丁照依原糧頂補自設立迄今兩載以來十分之中頂補未滿一分以致提標閩安二處額兵懸曠日久至今尚有未補戰守兵糧一百三十七名臣愚昧之見將此六十分馬糧裁改戰守兵糧補足添設原額統歸水師營管轄則兵缺

不致虛曠哨巡亦免貽誤矣事關馬糧改步倘蒙
俞允臣照例具

題請

旨遵行但臣愚昧淺見是否可行恭候

聖主批示伏乞

睿鑒謹

奏

所奏嘉是覽之前劉世明到京朕觀其人甚不妥協尚
未料如此負心伊任內一切不及之處毋得代爲隱諱
悉行據實奏聞

同日又

奏爲奏

聞事竊照臺灣北路兇番糾衆復行猖獗據總兵呂瑞
麟請迅發內地水陸兵三千名前赴聽調經臣與
提臣許良彬署提臣阿爾賽檄調齊備并將番匪
情形及臣移咨提臣王郡親赴軍前調回總兵呂
瑞麟禦防府治各緣由逐一具

奏在案隨據軍前稟報拏獲逆番元兇大武釐姦匪
溫賜等犯又據臺灣道倪象愷稟稱番逆漢姦乘
前撤兵之際復起邪謀欲稱番王煽惑各社觀望

效尤附近居民不獲安業兵民被害者甚多經訪
拏謠言惑眾假番放火殺人之林毓黃龍等杖斃
漸見寧貼有近山百姓田禾布野懼番擾害不敢
歸莊守備林元稟報沙轆等社兇番聚黨數百前
往中港地方擁搶港中生理船二隻殺死船上人
六七名燒燬南日營盤官兵放鎗打死兇番四名
餘番始散又准提臣許良彬咨開准臺灣道咨呈
諸羅縣莊民傅玉琳等稟縣水沙連社番酗酒意
要作反請預爲防範隨咨王提督撥兵馳防又據
臣差探稟報兇番聽得內地大兵將到踞沙轆地

奏方海防廳舊署爲穴砍竹圍柵中起望樓不時執
旗遊巡等語臣查土番本無能爲總因漢姦煽惑
指使效尤不法荼毒地方擾害良民罪大惡極今
據報官兵船隻即時各得順風開駕安渡重洋俱
已陸續到臺仰仗
皇上天威百姓得以安堵接提臣王郡來字云臺地夏
秋多有雨水九十月間進剿一鼓可得俟到行營
相機變通不敢拘滯現在先委叅將李蔭樾統領
大兵馳赴北路等語臣查臺地南北二路遼濶各
要隘處務期密行佈防使番逆無可逃竄隨劄囑

王郡并嚴飭臺灣道府遣撥兵壯衛護民人令各歸莊收穫去訖再查臺灣道倪象愷人雖稍有才具而性情偏執與衆不睦不便留於軍前一面檄調該道卽回府治料理地方事務一面會商撫星士臣趙國麟暨布按二司詳加選委署淡水同知尹士偃前赴北路軍營接辦一切事務著聽王郡指示所有土番近日情形臣謹繕摺奏

聞伏乞

皇上睿鑒謹

奏

覽奏逆番情形知道了詳慎辦理毋忽

同日又

奏爲奏請添設鳥鎗額數以資捍衛事竊查雍正六年六月內經兵部會議沿海省分每兵一千名設立鳥鎗四百桿續經前督臣高其倬於恭懇聖恩等事案內酌議陸路各營兵丁器械每兵一千名設立鳥鎗五百桿水師大小趕繒船按照配兵名數酌添排鎗數目具疏

題請部議陸路每兵一千名設立鳥鎗五百桿與定例數目不符水師船隻兵數器械視船之大小酌

量配撥應如所請設立應用等因在案臣查閩省地方山海交錯水路則海面遼濶巡緝姦艘應須嚴謹陸路則山深林密人民獷悍尤資捍禦鳥鎗一項水陸均屬利用臣前在廣東總督任內曾經會疏

題請陸營每兵一千名應添鳥鎗一百桿共爲五百桿已蒙

俞允部覆准行所有閩省陸路各標鎮協營需用鳥鎗相應仰懇

皇上天恩俯照粵省之例每兵一千名於定例鳥鎗四

百桿之外請添設鳥鎗一百桿共爲五百桿於營伍地方實有裨益臣案查前督臣高其倬兩次題請陸路添設鳥鎗之處部覆未允臣是以未敢冒昧會

題謹據實具

奏叩懇

聖恩批示遵行謹

奏

照此其疏題來朕降旨准行先卽一面預爲製造候部文到日遵奉按營添設可也

硃批諭旨

下

奏

郝玉麟

雍正十年七月二十六日署福建總督臣郝玉麟
謹

奏爲調補臺澎之武職仰懇

聖恩准照舊例附支俸薪以資日用事竊照閩省臺灣
澎湖二處路隔重洋遠在海外從前凡由內地調
補臺澎武職雖未經接授新劄仍在原營附支俸
薪以資日用每年彙冊

奏報在案茲據福州城守副將馬名南稟稱有右軍
守備彭捷於雍正九年四月調補臺灣鎮右營守
備本年八月始行領劄在舊任附支過俸乾銀三

十八兩有奇右軍千總黃起龍於雍正九年正月
調補臺灣北路營千總本年八月始行領劄在舊
任附支過俸乾銀四十一兩有奇該備弁俱現在
臺地藩司因近今不准附支無可著追就近在卑
職營內七月分兵餉一併扣去還項現在措處散
給懇祈追還等語臣查閩省調補臺澎員弁因其
人材可用方行揀選任以海外要地若俟接授新
劄始支俸薪則周年半載之中該員所遺內地家
口養贍以及辦公日用均無所資未免有艱窘之
虞臣愚見除調補內地之武職仍照定例遵行外

其調補臺澎員弁可否仰懇

皇仁賞照舊例附支俸薪以濟日用俟接授新劄卽於

新任起支其從前已經附支者免其追繳

洪恩出自

聖裁各員弁感激

天恩自當倍加奮勵益圖報效矣爲此謹

奏

此奏甚是候另旨諭部

同日又

奏爲遵

旨覆奏事本年七月二十三日准兵部寄到內閣大學

士臣鄂爾泰等欽奉

上諭據福州將軍阿爾賽奏稱臺灣地方甚屬緊要鎮

臣呂瑞麟熟諳水務置之內地固爲勤慎之員而於

臺鎮殊覺未便今可否將呂瑞麟調補金門鎮令李

之棟仍回原任其臺灣總兵一缺臣查澎湖副將章

隆持重幹練才堪肆應似可委署臺鎮印務再查福

寧鎮臣馮吉品才具練達留心地方或以馮吉品調

署臺鎮而以章隆署理福寧鎮務倘蒙俞允其章隆

所遺澎湖副將員缺仍遵前旨令陳倫炯署理其與

化協副將員缺請敕令督臣遴選補授似於海疆有益等語爾等可將阿爾賽所奏密寄信與郝玉麟令其悉心斟酌若各員果能勝任著郝玉麟就近酌量於臺灣軍務就緒呂瑞麟可以更換之時宣朕諭旨應署理者署理應補授者補授令各員前赴新任一面奏聞倘郝玉麟另有所見或更有可用之人著速行奏聞請旨欽此欽遵臣查臺灣鎮呂瑞麟領兵進剿土番一案馭兵無術毫無籌度以致土番滋擾地方百姓受害是以調回府治彈壓該鎮既已遺誤軍務應治以不職之罪但其尚諳水務可否革

職留任調補金門鎮戴罪圖功

洪恩出自

聖裁至臺灣爲數省藩籬所關最爲緊要查署福寧鎮副將馮吉品雖辦理營務甚屬明白但於臺灣風土民情未經熟悉其餘各鎮亦俱不相宜至於章隆原係興化協調任澎湖副將已准部咨飭令赴任乃延挨不往反行遶道來省明知軍務孔亟忽云請假修墳如此居心行事之員似不便委署臺鎮臣查有廣東碣石鎮總兵蘇明良巡察地方事務最爲勤謹更能安輯兵民協和文武且才品兼

優曾任閩省漳浦營守備康熙六十年隨師進剿
臺匪著有勞績風土民情素所熟悉若以蘇明良
調補臺灣鎮總兵洵屬人地相宜臣謹遵

旨敬抒愚昧之見據實奏

聞再陳倫炯臣奏請委署臺協副將奉有

俞旨其興化協副將員缺已經委員署理俟軍務事竣
容臣確核軍前實力辦事之員另行具

題請

旨以示鼓勵合并聲明統祈

皇上睿鑒施行謹

奏

覽奏知道了另有諭旨

雍正十年八月二十八日署福建總督臣郝玉麟
謹

奏爲據報進剿番社情形恭摺奏

聞事竊照臺灣北路土番自作互以來原未懾以軍威
經加懲創是以狡詐反覆焚掠村莊肆無忌憚自
提臣王郡同巡臺御史臣柏修率領官兵於七月
初六日到彰化縣之鹿仔港因值雨水之候道路
泥濘暫住鹿仔港地方十六日天色開霽提臣卽

密遣官兵分作四路親身於十七日辰刻合攻附近縣治梗阻道路素稱強梁之阿束社反番我軍鎗礮齊發社番逃遁入山官兵奮勇追趕擒殺番賊三名其被鎗礮打死者甚衆焚其草蓐積聚燬其望臺瞭樓各鄉百姓奪其前被搶擄之牛羊農具不計其數提臣卽由阿束社到彰化御史臣柏修亦於是日由鹿仔港到縣二十二日提臣踏勘大肚各社反番窺伺出入要口扼守把截隨據各營報稱反番聞知各皆畏懼不敢復出又據稟報二十三日有南投北投猫羅三社土官通事帶同

番仔駕駛牛車前赴軍前稟稱情願出力報效續准提臣王郡咨稱軍前官兵現在分爲五協擇地安營拒其險要堵其捷徑俟內地官兵到齊道路乾爽卽便定期進剿等語臣查前撥官兵三千早經到齊欽奉

諭旨指示機宜續撥之兵三千名俱已分路進發反番見我官兵勢衆又見提臣統兵進剿軍威震赫逃匿山林苟延喘息目今秋潦已退溪水漸乾草木枯凋四面夾攻自能尅期撲滅臣思此種土番實與禽獸無異使經大創之後知

國法凜然不可再犯當縛其渠魁宥其脅從仰體
皇上好生之仁斟酌機宜行之臣已密劄提臣去訖至
於經營善後事宜俟勦撫安輯之後容臣悉心詳
籌

奏請

睿裁爲此謹

奏

既興此番大舉務令兇頑咸知凜畏不敢再蹈故轍庶
幾一勞永逸慎勿少存姑息復遺患於將來也諸凡善
後事宜合於情理酌中爲之

同日又

奏爲恭請

聖裁事竊查臺灣道倪象愷情性偏執與人不睦是以
由軍前檄調回府先經

奏明近又因該道給民壯礮位器械等物伏路卽有
地方百姓喧譁謂民壯通番鬪鬧道署該道亦詳
稱製給小礮箭鏃等項分遣民壯伏路乃有姦民
前至本道公館砍傷壯役等語據軍前署金門鎮
李之棟亦具稟到臣節經批司將一切報案逐
一提究通詳雖虛實遽難懸定但倪象愷既不睦

於同官更不得兵民之心卽回府治恐亦未協且
報案纍纍均非面訊不可臣與撫臣趙國麟詳加
商酌會檄調回省城恭請

皇上敕旨將倪象愷解任候審查臺灣道爲全臺之首
領統率府縣兼轄民番必須和平持正撫綏得法
之員方克勝任查閩省各道員或現任要地或出
差辦銅又或才情辦事好者固有而於臺地之任
不相宜者亦不便輕調臣再三斟酌查有漳州府
知府張嗣昌爲人謹慎和平才具練達且漳州密
邇臺郡彼處風土民情該府素所知悉臣會同撫

臣檄委張嗣昌前往護理臺灣道印務仰懇

皇上天恩俯念海外要地可否准其實授以示鼓勵

洪恩出自

聖裁倘蒙

俞允漳郡亦屬緊要臣查有以同知銜管理晉江縣事
王之琦莅任已將三載於一應地方實心整頓辦
理妥協上年

計典曾經薦舉若以該員陞補漳州府知府亦屬人
地相宜臣謹繕具密摺恭請

聖裁伏乞

殊批諭旨

下

聖

郝玉麟

睿鑒謹

奏

照所請行該部知道

雍正十年九月十八日署福建總督臣郝玉麟謹
奏爲酌議臺地文員之年限以示鼓勵以昭畫一事
竊查臺灣一府孤懸海外舊例文武各官三年俸
滿卽陞嗣經前督臣滿保條奏以熟諳之員難得
請將道府廳縣已經任滿者再行加銜留任三年
續又經前督臣高其倬奏請更定四年荷蒙

皇上洪恩俯念臺灣道府廳縣等官至期六年爲滿又

加以候缺交盤渡海之期實屬太久著令自到任
之日爲始將滿一年之期令督撫於閩省內地官
員內揀選賢能之員到臺協辦半年之後令舊員
回至內地補用并經部議期滿分別議敘加級原
以調臺各員前後在臺爲期不遠所以酌予加級
實爲允當迨至雍正八年復經前署督臣阿爾賽
以調臺各員統計前後協辦之期不過年半而獨
當其任者不過半年恐庸員草率塞責請將調臺
各員到任二年督撫另選賢員赴臺協辦等由
奏准現在遵行臣查臺員定以二年之限又加協辦

奏
半年統計已二年半矣再加交代渡海爲期不下三年而回至內地止予加級似非仰體我

皇上鼓勵海外臣工之意況查今陞陸路提臣王郡前在臺灣總兵任內於雍正八年奏稱臺澎鎮協各員蒙

皇上特用受恩深重應遵照舊例三年報滿候用所有叅將遊擊守備等職請以二年俸滿及交代渡海實合三年之數等由經部議覆准令候缺陞用在案是同一在臺人員武職歷俸二年得邀陞用文員歷俸二年半僅議加級其例似未畫一臣愚以

爲臺灣道員職任監司身沐

皇上隆恩應照臺灣鎮協三年報滿恭候

聖明酌用至知府同知通判知縣各員似應照武職叅將遊擊守備等官之例俸滿陞用庶文武陞遷年限畫一而臺地文員自必益加鼓勵出力報效於海疆似有裨益是否可行伏乞

聖主睿鑒謹

奏

此奏是該部議覆施行

同日又

殊批諭旨

下

聖

郝玉麟

奏爲恭奏進剿逆番情形事竊查臺灣各番社復肆
焚掠經提臣王郡同巡臺御史臣覺羅柏修率領
官兵於七月十七日攻破阿束社及分協扼要定
期進剿各情形臣已恭摺奏

聞今查提臣王郡於八月二十一日同御史臣覺羅柏
修率領官兵三千餘名并義勇親丁人等分兵三
路進剿倡首作反之南大肚社先於二十日分兩
路由水深流緩之處過溪設伏預防逆番來伏至
二十一日丑時大軍黑夜渡溪逆番見官兵勢衆
其平時埋伏暗鎗冷箭俱無所施我軍鼓勇如入

無人之境直逼逆社用大礮打開連斃六七番乘
勢分左右前後環攻逆社圍柵土墩臺寨周圍十
餘里移時勦洗逆番奔竄死於鎗礮者甚多牛羊
器具俱爲被害百姓搶回社厝糧食焚燬淨盡中
北大肚二社全社泥首膝地乞降求生又有貓羅
大武南北投沙轆等社前赴軍營叩首乞命酌量
安頓又岸裏朴仔阿里史三社土官通事率領男
婦共二千一百餘名又大甲東南日南北等社土
官通事率領男婦共六百餘名執旗掛彩跪投軍
前情願出力堵截兇番嗣官兵又搜至各兇番積

藏糧食之所兇番皆穿林而逃所積糧食盡行焚
燬用礮火擊死衆多復又扎營貓霧揀絕其水道
并安頓阿里史朴仔籬等處斷其後路南大肚社
兇番懼怕畏服該社土官加九眉閣等亦各前赴
軍營伏地求生提臣王郡飭令舉出兇番方准免
死現在北路一帶方圓八百里地方俱已安寧人
民歸莊官兵義勇嚮導全軍無一損失現今只有
枋山雙寮等社亦在過溪搜剿茲准巡臺御史臣
覺羅柏修等咨會併據軍前各官飛報前來臣查
逆番作歹南大肚係屬強梁倡首之社仰賴番乘

皇上天威遠震將士爭先奮勇兇番一鼓成擒各社多
已來歸未靖餘孽絕其糧米斷其食鹽勢窮力迫
自可尅期搜捕殲除臣現在復劄提臣王郡確查
渠魁務必窮搜正法無使漏網脅從人等仰體
皇上好生之仁斟酌寬宥尤不可遽撤大兵務使衆番
心服凜懾
天威不敢犯然後徐議撤回去訖至善後事宜容臣
悉心籌畫再行奏請

聖裁爲此謹

奏

覽勦捕逆番情形深慰朕念

同日又

奏為遵

旨奏覆事雍正十年八月二十五日據臣標外委千總

朱光正齎捧臣前

奏請隨糧馬兵改歸步糧一摺欽奉

硃批所奏嘉是覽之前劉世明到京朕觀其人甚不妥協尚未料如此負心伊任內一切不及之處毋得代為隱諱悉行據實奏聞欽此臣查前督臣劉世明任內雖無踰閑蕩檢然其不及之處仰蒙

皇上下詢臣又何敢代為隱諱臣案查前督臣劉世明

題報實數欽此臣查前督臣劉世明任內雖無踰閑蕩檢然其不及之處仰蒙

皇上九月十七日入

恩賞兵丁生息銀兩疏內稱已於八月內開賞臣計其

月日是必開賞在先

題報在後也詎今不但不會開賞且尚有本銀八千

餘兩未發臣奉

諭旨詳細斟酌照依滇粵之例勻給協營通盤打算儘

旨是有寬裕現在會同撫臣趙國麟署陸路提臣阿爾

賽水師提臣許良彬

題覆請

旨是前督臣劉世明先不能上緊料理後復含糊具

題難逃

聖鑒者也再查從前欽奉

諭旨發往閩省試用人員委署試用之後察其人果可
用自應酌量才具之長短分別地方之繁簡照例

扣限

題請實授如有實在不堪委用者亦應卽爲

題叅或咨回吏部使人知所勸懲實心出力報效庶

皇上於地方有益乃前督臣劉世明信用之人不得其

當而又偏執已見多不察實分別

題請如候補通判王朝棟係雍正五年間奉

旨交廣東撫臣楊文乾帶往福建試用若能盡力卽行

題補若不盡心辦事卽給文咨回吏部之員歷經

委署漳州府同知興化府通判仙遊縣泉州府通

判延平府通判沙縣各印務是該員到閩已經六

載署篆已經六任查其到處尚能勤慎辦公至今

未得一缺其餘到閩候缺候補有曾再試三試歷

今三四年不等者尚有二十餘員臣除將王朝棟

現在

題請補用外餘亦逐一細察如從前歷試才可勝任者次第請

旨遵行固不敢使才具平庸不能料理地方之員濫膺民社亦不敢使諳於吏治有志上進者一槩淹滯而不爲鼓勵也又查前水師提標後營遊擊胡貴八年二月內在守備任內經署叅將鄭良達詳委看修各營戰船嗣因胡貴護理後營遊擊不能到廠經叅將張天駿另委千總許順看修後許順被提臣許良彬叅革又改委千總黃良看修內有萬字二號一船係八年九月內據黃良具報興工其

竣工日期亦係黃良具報竝無胡貴協看字樣後該船造不合式前督臣劉世明竟將胡貴

題叅荷蒙

聖明著令引

見胡貴經將修船緣由

奏明蒙

皇上因以胡貴監修船隻題叅殊屬屈抑

敕令臣等查叅通省員弁聞聽之下莫不感頌

聖明洞鑒隱微踴躍思報臣現在查案會同提臣許良

彬

題覆是胡貴之被叅亦前督臣劉世明不細心查明致屬員有屈抑也以上事件皆臣查確理合據實奏覆至此外督臣劉世明有無不及之處容再另訪恭

奏再查閩省風氣較之粵東大相懸殊粵省陋習仰蒙

聖恩屢頒

訓諭人人知改文武各員莫不歡忻鼓舞努力自效閩省文武兩途既少浹洽之心又乏踴躍之氣邇其所自總緣上下之情未孚事事交相推諉以致地

方公務多有廢弛臣受

聖主再造洪恩敢不盡心整頓惟是知識短淺力恐不

逮叩懇

聖恩指示教誨俾臣有所遵循則感戴

生成之德永無紀極矣臣謹繕摺覆

奏伏乞

皇上睿鑒謹

奏

劉世明前此一切謬誤卿竭力整頓務俾各得其宜

雍正十年十月二十一日福建總督臣郝玉麟福

建巡撫臣趙國麟謹

奏爲買銅之洋船回棹有期委員之在蘇守候無益
謹爲酌量變通恭請

睿鑒事竊查閩省承辦銅筋每年上下兩運共該銅五
十五萬四千三百九十九筋例應先期輪委道府
前往蘇州採辦洋銅交解第辦洋銅必須先購倭
照選商給價置貨出口而倭照每年有自一番起
至三十七八番不等必挨順輪番給買不能越次
先得且本年倭照務至本年正月初一日方許船
進東洋交界更因近年彼國產銅不敷多有上年

倭照銅船在彼守候必待其依次買足方許本年
倭照之船採買惟是本年倭照每爲江浙等本省
買去閩省辦員無可如何只得覓買下年之照按
其年分番數再候上年倭照銅船買足纔得銅筋
計其出洋回棹之期約須二十餘月若該委員照
已買就商已招成將價給領之後卽在蘇守候亦
屬無益自應回任料理地方事務乃查閩省向例
委辦銅員印務卽另委員署理必將銅筋交運起
解清楚方許回任故該員等往往藉此逗遛雖有
時回閩因銅未起解亦不得接印視事臣等查道

府俱蒙

皇上酌量才可勝任方行補授之員今辦銅各員因守候洋船在蘇閒坐不特有曠職守亦且貽誤地方卽遴選委署亦難得人地相宜之人臣等悉心思維若委員承辦止遴員代理印務俟該委員到蘇買就倭照招商給價之後卽令回任其在蘇設有未完首尾卽一面報明在蘇辦理若無可辦之事不得藉端逗遛回任之後或探聽回棹信息止著親信家屬并妥當家人在彼守候俟洋船回棹或仍令再往收銅交押運官起解前後往返每次屈

指不過數月銅筋旣得照例辦解地方亦得正員料理似爲兩有裨益況查江蘇承辦人員原在本省固無庸離任委署浙江委員採辦亦止委佐貳暫行協理辦員到蘇招商發價後卽回本任從無委署之例福建與浙省接壤所爭不過旬日路程自可仿照而行除飭查明買照招商給價出口在蘇無事之員著令回任外臣等爲地方現乏道府大員辦事辦銅人員在蘇閒住所有酌量變通令其回閩任事緣由理合具摺奏

聞伏乞

硃批諭旨

下

聖

郝玉麟

睿鑒謹

奏

所奏是如此庶免曠官廢職之失也

福建總督臣郝玉麟謹

奏爲海疆要鎮重在得人據實恭懇

聖恩事竊查漳州鎮總兵初有德先因生患鬢疽病勢
沉重臣恐有誤地方營務經委福州協副將馬召
南前往協辦具摺奏

聞今該鎮初有德所患之疽醫治不痊於本年九月二
十六日身故臣准署陸路提臣阿爾賽咨并據漳

州鎮中軍遊擊文際高呈報除恭疏

題報外伏念漳州地處濱海界連粵省接壤澎臺最
爲緊要該鎮事務非老成持重才能練達者勿克
勝任查福協副將馬召南歷練老成熟諳營伍整
頓有方委係才具出衆之員臣現在委令署理該
鎮印務但總兵職任封疆臣何敢冒昧陳
奏惟是漳州地方緊要實非他鎮可比臣旣知馬召
南才堪勝任何敢緘默可否將馬召南補授漳州
鎮總兵

洪恩出自

殊批諭旨

下

臣

郝玉麟

聖裁臣因地方起見不揣冒昧恭摺具

奏伏乞

皇上睿鑒施行謹

奏

漳州總兵一缺已有旨下部命卿會同阿爾賽酌選將領遞行題補矣

同日又

奏為恭報蕩平臺番大捷事竊查臺灣北路土番逞兇不法殘害百姓擄掠村莊阻梗道路勢甚猖獗據臺灣總兵呂瑞麟請兵三千飛赴援剿臣隨卽

調撥官兵遴選幹練將弁李蔭樾等統領飛渡進剿對面

奏明令提臣王郡親往督征一面另行撥兵預備欽

蒙

皇上睿慮深遠以撥往之兵務須多備復經臣撥兵三千名赴臺協同勦捕經提臣王郡先將附近彰化間茲縣治梗阻道路素稱強梁之阿東社一鼓勦除卽有南投北投猫羅三社土官通事帶同番仔駕駛牛車前赴軍前情願出力報效續經提臣王郡勦滅強梁倡首之南大肚社隨有中北大肚二社及

未批備旨
貓羅大武南北投沙轆等社乞降求生又據岸裏
樸仔籬阿里史大甲東南日南北等社情願出力
堵截兇番經節次具摺奏
聞茲提臣王郡於八月二十五日分兵七路圍剿水裏
逆社立時攻破遍行勦洗九月初三日有牛罵社
拜沙轆餘孽令加己烏臘二名詐降狡延隨經查
出立時擒獲一面分兵圍剿又據水裏社降番獻
出首兇詹箸等三名又擒獲阿勝萬等四名南大
肚降番獻出首兇烏臘詹仲等五名俱卽於軍前
正法示衆初九等日搜勦牛罵沙轆餘孽打死兇

番衆多十六日勦雙藜貓孟等社用礮打死十四
番中傷者甚多餘卽逃入苑裏社後山十七日勦
捕大甲西巢穴焚燒積糧十九日有吞霄苑東等
社土官率領男婦三百餘名赴軍營乞降二十日
叅將李蔭樾探聞各社逆番俱逃入小坪山稟報
提臣王郡分兵三路於五鼓時直搗小坪山逆番
巢穴逆番正在裝車別徙出其不意我軍掩至鎗
礮齊發打死多番窮追至大坪山深林脚下逆番
盡棄車輛馬匹等項惟有赤身逃入內山獲牛千
餘隻馬八匹車數百輛焚燬糧食四百餘堆二十

一日乘勢搜捕追至內山悠吾乃地方打死兇番甚多斬獲番首二十二日有吞霄大甲西土官率領男婦四百餘名泥首乞生二十六日有猫孟雙蔡苑裏等社土官率領男婦老幼一千餘名口前赴軍前叩首乞命二十九日又據吞霄猫孟雙蔡苑裏房理五社土官阿帶等帶同番衆自行綑綁匍赴軍營跪請受死經提臣王郡令其獻出首兇隨據雙蔡等社獻出首番媽媽等四十二名押解彰化縣收審又擒出漢姦胡清父子并戴偉坤黃寬蔡妹等五名聽候審究又擒出久慣作反爲首

兇番大匏藥瓦里二名卽行處死又擒獲大甲西首兇加臘猫倫等二十一名正法另獲壯番并番婦番仔等四十二名口發縣收審又據押出牛罵社番一百九十二名沙轆社番男婦老幼二百九十餘名口交營看守究出首兇分別審擬安插其吞霄等社節次乞生各番逐一安頓訖現今北路方圓一帶地方道路悉皆寧靜百姓安居樂業商賈照常往來無不感激

皇恩歡呼載道據臣差探并軍前各官同提臣王郡等星夜飛報前來除將現獲兇番飭令從重究擬以

彰

國法以安地方外所有蕩平臺番大捷緣由理合具摺恭

奏再查此次征勦臺番歷准提臣王郡同巡臺御史

臣覺羅栢修咨報長福營叅將李蔭樾事事爭先

智勇出眾官兵義民人等亦莫不奮勇報效其出

力用命之處容臣查明等次分晰造冊

題報合并聲明臣謹會同福建巡撫臣趙國麟合詞

奏

聞伏乞

皇上睿鑒謹門

奏

據奏兇番蕩平餘社傾心向化以手加額覽焉此次征勦官兵人等具題到日另有恩賚更有諭問之旨命大學士轉傳

同日又

奏為請

旨事竊查署南澳鎮康陵原係金門鎮總兵於雍正九年正月內奉

旨著南澳鎮總兵張起雲署理福建陸路提督印務南

硃批諭旨

下

庚

郝玉麟

遞行題補可也

雍正十年十二月二十日福建總督臣郝玉麟謹
奏爲遵

旨覆奏事竊臣恭摺

奏報蕩平臺番欽奉

皇上硃批據奏兇番蕩平餘社傾心向化以手加額覽
焉此次征勦官兵人等具題到日另有恩賚更有諭
問之旨命大學士轉傳欽此又接大學士鄂爾泰張
廷玉來字內開雍正十年十一月十七日奉

上諭據郝玉麟奏稱此番征勦臺番叅將李蔭樾智勇

出衆事事爭先等語朕查李蔭樾從前來京引見朕
看伊人材精壯似有膽量原是記名上等之人今思
臺灣地方緊要副將陳倫炯未知勝任與否李蔭樾
旣著有勞績或將伊補授臺灣副將陳倫炯調用內
地是否人地相宜爾等可寄信密問郝玉麟令其據
實回奏欽此遵

旨寄信前來臣捧讀之下仰見

聖主慎重海疆酌用人材之至意臣細察叅將李蔭樾
才力兼優於副將總兵均能黽勉辦理惟查臺灣
副將係水師員缺駐劄安平額設戰船五十六隻

有督率兵船出洋巡哨之責李蔭樾從前歷任俱在陸路而水師似未諳練臣於未奉

諭旨之先已經

旨奏請將該員補授興化協副將現在候

旨至陳倫炯先任臺灣副將陞補臺灣總兵該地風土向所熟悉水師船務亦稱諳練更兼撫馭有方番民至今感頌該員自本年任事以來辦理尚屬妥協臣現在委令協同臺灣道張嗣昌前往大鹿溪一帶安插歸順土番務使得所而一時亦難得人地相宜之員堪以調補但臺灣地方緊要臣仍不

時細察如有不甚相宜之處自當酌選妥員請

旨調用斷不敢稍有草率致滋貽誤也緣蒙

諭旨事理謹繕摺覆

奏伏乞

睿鑒謹

奏

所奏是候另有諭旨由內閣頒發

乾隆二十一年二月二十日福建總督臣郝玉麟福

建巡撫臣趙國麟謹

奏為奏

硃批諭旨

下

空

郝玉麟

聞事竊查陳秦使違禁販鐵出洋案內無照客民方成等貨物經臣等審明

題請照例入官應俟部覆到日估變但查各貨物堆貯廈門近海潮濕之地已經三載俱有霉爛若再遲久必致漸成廢物且查方成等所帶之貨絲邊番襪等物原係販賣呂宋非內地適用之物雖有緞紬綾機槩係粉漿必仍賣給出洋商人方可得價而出洋商人向例在正月內開洋七月內回棹若過正月則各商貨物置就又不能另尋售主必須又擱一年臣等是以先行估變據牙行人等約

估止報稱值銀數千兩臣等查一船貨物雖除正經大商有照各貨先經給還外現在之貨豈僅值銀數千兩查副將張天駿爲人誠實併遊擊胡貴熟諳貨物行情檄令會同廈門同知胡宗文帶同牙行逐一確估除去霉爛蟲蛀物件外實值廈鉤番銀三萬二百二十三兩零較前約估相去懸殊臣等隨飭趁此商人置貨出洋之候及時變賣已據各商照依行例先繳一半銀一萬五千一百一十一兩零其餘一半俟七月內回棹照數交繳取有殷實行商連環結保先繳之銀現飭解貯藩庫

另行咨部查核外但此等瑣事原不應上瀆

宸聰臣等因違禁事案理應完結謹此繕摺陳

奏伏乞

睿鑒謹

奏

如此實心任事何患諸弊不除吏治民風之不就理也

殊屬可嘉

朕之獎許非為區區二三萬金估變之項而發蓋取卿等之存心耳毋得錯會

福建總督臣郝玉麟謹

奏為遵

旨覆奏事雍正十一年二月十六日接到大學士鄂爾

泰張廷玉來字內開雍正十一年正月十九日奉

上諭福建水師提督員缺甚屬緊要著郝玉麟於閩廣

兩省水師總兵內有伊深悉可勝此任者揀選一二

員密行奏聞候朕簡用爾等可寄信前去欽此臣跪

讀之下仰見我

皇上慎重邊海封疆至意且查福建水師提督駐劄廈

門為全閩各海口鎖鑰控制澎臺海外最關緊要

必諳練水師營務熟悉邊海情形者方克勝任臣

於閩廣兩省水師總兵內再四斟酌悉心揀選如
粵省碭石鎮總兵蔡添畧熟諳水務實心任事雖
才情稍覺拘謹而人甚老成堪任提督不致貽誤
閩省總兵內惟新調臺灣鎮蘇明良才品兼優水
務素諳亦可勝提督之任但蘇明良甫經調臺任
兩事方新如蒙
聖恩將蔡添畧補授提督臣無庸瀆請外倘蒙將蘇明
良補授提督臺灣尤關緊要必得人地相宜有才
有守者始克勝任查福協副將馬召南歷練老成
素人甚妥當以之補授臺灣鎮總兵實能勝任臣愚

昧無知荷蒙

皇上下詢敢不悉心揀選慎重籌思但識見短淺是否
有當統祈

聖鑒謹

奏

蔡添畧既屬新進資格未深兼之粵省熟諳水務者少
正亦需員彈壓蘇明良固勝提督之職但臺灣甫經底
定綏輯事宜更爲緊要豈可輕移至若馬召南材甚庸
平向乃朕所稔悉近雖歷練何遽能改心易行耶試於
此外另舉一員候朕酌奪如或不然王郡猶堪水師提

督之任否總俟卿再加審度覆到之日有旨

雍正十一年三月初二日福建總督臣郝玉麟福建巡撫臣趙國麟謹

奏爲撥運倉穀接濟隣省事竊照閩浙兩省壤地相連年歲米價時有傳聞上年閩省收成仰荷

聖主洪福各屬咸慶有秋惟接壤浙省之福寧州地方稍有蟲傷緣通省豐收米穀源源接濟至今米價不致騰貴浙省上年偶有數處收成稍歉米價漸至高昂臣等留心訪問今春愈爲騰貴屬在鄰封理應緩急相資今准浙江督臣程元章咨開據台

州府詳稱去歲田禾間被蟲傷以致西成稍薄米價愈騰查閩省去歲年成甚豐現今米價平減詳請招商赴閩買運穀石赴台糶賣行司議詳批令暫准海運通糶源源接濟移咨閩省出示招商并許浙商採買等語備文前來臣等傳同司道悉心酌議閩省雖連年豐稔緣山多田少產米無多兵民食指浩繁從前屢荷

皇恩截運江浙米穀及江西採買米石積貯以至今日得獲充裕是本地之米原無盈餘也臣等仰體

皇上厪念民生至意輾轉籌維查有臺灣府屬鳳山縣

積貯各案內除本縣現存穀五萬四千餘石外另有節年收貯八社地方倉穀二十四萬四千餘石今酌撥穀十萬石一面檄飭臺灣道府迅卽遴委委員照數運至廈門以備浙商採買運赴台屬糶賣接濟民食一面知會浙省督臣僉商來廈照依時價買運臣等竝檄閩省地方官出示招商買運赴台公平糶賣仍給以路照載明穀石數目到彼呈請所在有司驗明填照回銷庶姦商不致影射外運所有穀價俟秋收卽行陸續買補還項在鳳邑倉儲仍多貯蓄不致缺乏而浙省台屬人民得

資接濟矣事關動撥倉穀理合繕摺奏

聞伏乞

睿鑒謹

奏

籌議甚好嘉是覽之

雍正十一年四月初五日福建總督臣郝玉麟福建巡撫臣趙國麟謹

奏爲二麥豐茂逾常早禾亦多暢茂謹據實奏

聞仰祈

睿鑒事臣等查閩省山海交錯人稠地狹比年以來仰

荷

皇上福庇屢慶有秋上年收成亦爲豐稔惟冬季雨水較少今春米價稍增臣等卽將存貯江浙之米行令出糶米價隨平迨至正二月間雨水雖有尚未霑足幸得三月初十日起至十五六連日大雨查據各屬報稱本年二麥結實甚屬豐茂現在收穫其早稻連得大雨及時栽插青葱盈野倍覺茂盛米每石自一兩起至一兩一錢不等價值甚平地方寧謐又據臺灣府暨所屬各縣稟稱臺地俱係稻田種麥者少現今早禾蕃盛倍常米穀價平民

番樂業等語臣等查閱稟報不勝歡忭是皆我皇上敬

天勤民太和翔洽之所致也所有二麥已經成熟現在收穫以及早禾暢發情形理合據實奏

聞伏乞

睿鑒謹

奏

覽二麥早禾併米價情形朕爲閩省黎庶曷勝額慶當愈勉誠敬以仰邀

天恩祐庇

同日又

奏爲奏

聞事竊准浙江督臣程元章咨開據台州府詳請招商赴閩買運穀石赴台糶賣并咨閩省出示招商買運等由當經臣等查有臺灣府鳳山縣收貯八社地方倉穀二十萬四千餘石酌撥十萬石迅速運至廈門以備浙閩商人買運以資接濟情由先經具摺

奏明嗣經半月尚未有商赴買而臣等訪問台屬米價甚昂若俟浙商來買運往誠恐緩不及濟擬就

廈門存倉臺穀趁此南風便利委員先行運送二萬石赴台糶賣以濟民食但查浙省原咨止有招商買運之說所有閩穀運台照依臺價并一切運費與該處市價有無平減裨益於民之處難以懸定隨即差弁星夜咨商浙江督臣去後一面選委文武員弁行知廈門同知將收貯雍正九年臺穀內暫撥二萬石配定船隻等候俟鳳山縣運到倉穀補款茲准程元章覆稱台屬需米甚切若得此二萬石穀接濟實屬有裨如須再撥容當酌量另行移咨備覆到臣等臣等即令預經委定員弁酌

帶水脚銀兩於四月初三日兼程赴廈領運竝咨
覆浙江督臣外所有運穀接濟鄰省緣由理合恭
摺奏
聞伏乞
皇上睿鑒謹
覽奏運穀赴浙情節知道了凡事咸應酌其緩急權其
損益而爲之豈可拘執一定耶

同日又

奏爲據情遵例代奏仰祈

聖鑒事據福建巡海汀漳道郭朝鼎稟稱竊查隨任旗
員子弟荷蒙

皇上天恩著令歸旗學習實

聖主造就人材之至意

朝鼎

在泉州府任內欽奉

諭旨緣長子候選州同郭治向因抱病延醫調理具結
報明咨部在案嗣因

朝鼎仰蒙

皇上洪恩授今海疆要缺職司巡海兼轄汀漳二府竝
有承辦修造戰船之任均關重務往來巡察督催
修造不敢少懈一切稽查案卷察核戰船工程俱
係長子郭治在署協幫辦理今病雖痊愈現在辦

事稍知頭緒奉憲嚴催起程朝鼎下情未敢上達
茲奉

恩旨凡子弟中有可以助其父兄辦理事務者道府等
官有督撫代奏之例朝鼎跪讀之下不勝感激涕
零伏念朝鼎雖生四子次子郭河年止七歲三子
寧武年止六歲四子春泉年止五歲俱屬幼稚惟
有長子郭治年三十二歲賦性固屬庸愚尚知謹
慎小心可以稍助朝鼎辦公事理合瀝陳實情
懇請代達

天聽倘蒙

聖恩俞允准將郭治留隨任所不惟朝鼎得資臂指而
郭治得以漸習吏治亦當同效犬馬上報

君恩等情具稟前來據此臣等查汀漳道員職任巡防
兼有修造戰船等事現今該道名下承辦修造戰
船一百餘隻責任繁重該道郭朝鼎居官勤慎辦
事實心今據稟稱伊子郭治向經在署幫理請留
隨任學習等情臣等不敢壅於上

聞謹具摺代

奏可否准其隨任學習以助其父辦理事務

洪恩出自

硃批諭旨

下

年

郝玉麟

聖裁伏乞

睿鑒爲此謹

奏

郭治淮留隨任學習移咨該旗知之

雍正十一年五月初一日福建總督臣郝玉麟福

建巡撫臣趙國麟謹

奏爲奏

聞事臣等撥運廈門臺穀二萬石前赴浙江台州接濟
已於四月十三十六二十二等日陸續運送去訖
正值風信順利約計五六日可到又聞浙省杭州

府一帶民間食米每石價銀一兩七八錢不等被
災窮民赴省城覓食者甚多惟目下正值青黃不
接米價日漸增昂臣等查現今運往臺穀價值連
腳費等項運至乍浦每石不過一兩二錢上下較
浙省米價似覺稍賤伏觀我

皇上厯念民生軫恤備至事關民食臣等自應悉心辦
理查原議撥運臺穀十萬石除已運赴台府二萬
石外現今再撥二萬石委員照前由海運至浙江
乍浦地方咨交浙省督臣卽照原價糶賣以濟民
食其餘六萬石現在預備停妥臣等再加細查彼

省米價情形酌量辦理所有續運穀石前赴浙省
緣由理合具摺奏

聞伏祈

睿鑒謹

奏

浙閩連界文移甚便與該督商酌辦理可也

雍正十一年六月二十七日福建總督臣郝玉麟

福建巡撫臣趙國麟謹

奏為敬陳地方情形增改府州縣治以專職守事竊
惟閩省山海交錯幅員遼濶內為各省屏藩外控

海洋諸島建置尤當得宜臣等荷蒙

皇上天恩畀以海疆重任凡屬地方事務共期悉心辦
理不敢苟且因循致滋玩誤查福建福寧直隸一
州東臨大海南接省會北連浙省溫處等郡西界
建寧府屬悉係崇山峻嶺地方最關緊要知州本
任有讞獄催徵各項公務而所轄福安寧德二縣
刑名錢穀又均由其核轉事務繁冗兼顧實覺勉
強又福州府屬古田一縣地處萬山之中延袤九
百餘里共編都保五十餘處每年額徵錢糧二萬
七千三百有奇習俗獷悍犯案纍纍應納錢糧歷

年抗欠縣令親往徵比或審驗案件卽相率逃避深山莫可踪跡惡習相沿竟爲得計若不亟爲整頓致使積惡日深罪不能逭法不可貸甚非仰體皇上如天之仁至其餘各縣以及村鎮緊要之處歷據地方文武備載情形詳請改設移駐緣由臣等一併行令布按二司暨各道轉飭確勘妥議去後茲據司道行據各府勘議會詳前來內稱福寧一州向轄福安寧德二縣兼與福寧鎮同城一切地方事務甚屬繁雜又係自浙入閩水陸通衢咽喉之地知州一員顧此失彼照料難周實覺勉強且與

總兵體制未稱應請將該州改設爲府除原轄福寧三邑外另設附郭一縣卽以州牧原管之錢糧戶口專任辦理再建寧府之壽寧一縣離建寧水陸共六百里路徑崎嶇離福寧止二百七十里平坦易行以之改隸新設之知府管轄甚屬近便則一府四縣體制以隆而督率分理之任亦各有責成矣又古田縣地方甚屬遼濶姦匪易於潛踪內地各雙溪一處離縣二百餘里山深路險民情尤爲頑梗明季原設捕盜通判駐劄其地舊址猶存應於雙溪增設一縣卽以古邑之三十至三十四

都錢糧八千六百餘兩戶口萬餘分撥經管就近
化導每遇朔望宣講盜匪俱獲其賊善民
上諭督率各鄉耆民朝夕訓誡涵濡歲月久久風俗自
能移易頑梗可除錢糧亦得清完其新設之縣亦
隸福州府管轄又閩省下游泉漳二府俗悍民刁
健訟奸圖所轄地方太廣實有鞭長不及之處應
各設直隸州互相分理內有泉屬之永春縣接連
興延漳三郡姦究易於透越重岡複嶺離府甚遠
西北至德化僅三十里西南至大田一百一十里
應以永春縣改爲直隸州以德化大田二縣歸其

管轄再漳州府所轄龍巖縣上接汀州下通延建
距漳州府竟有三百餘里一切公事呼應維艱查
龍巖東至漳平西至寧洋各七十里應以龍巖縣
改爲直隸州以漳平寧洋二縣就近歸其管轄均
於地方實有裨益等語臣等查福寧州實屬邊海
要區爲全閩屏障應請改設知府添設附郭一縣
以隆體制以專職守至雙溪地方係古田縣要隘
之區四面環山每致藏姦聚匪應設縣治以彈壓
化海至永春龍巖二邑議改爲州均係因地制宜
事等語非敢草率更張因再四斟酌實於地方有裨

聞當卽先令候補知府張良弼星馳赴浙確查米價情形迅速回報正在一面料理輓運間卽准程元章咨稱閩省運到台州穀石已行布政使派撥在案浙屬現在二麥蠶絲俱幸豐收似可無庸糶濟如有未經起運之穀槩爲停止等語臣等伏思浙省春間米價增昂今二麥蠶絲旋獲豐收米價漸減此皆仰賴我

皇上福庇羣黎萬民共慶臣等不勝欣慰除前經運往台州穀二萬石外其尚未起運穀石卽行停其輓運矣理合奏請

聞伏乞
睿鑒爲此謹

奏

總惟仰賴

上蒼恩慈耳覽奏曷勝欣慶或因卿等大公無我之誠念所感亦未可知封疆諸臣果能將國家政務不分彼此視爲一體竭力維持自蒙天地神明垂察賜祐也

同日又

奏爲恭懇

殊批諭旨

下

其

郝玉麟

聖恩以愜輿情事竊惟天妃明神功昭清晏德庇商民
聲靈夙著於寰區顯應尤傳於閩海康熙十九年
提督萬正色克復廈門神靈協助欽奉

聖祖仁皇帝敕封護國庇民妙靈昭應弘仁普濟天妃又
靖海將軍施琅進征臺灣師次平海澳時方憂旱
井澤爲枯因禱於神泉源驟湧官兵咸被其澤嗣
後默相

王師功成底定

敕建神祠於原籍莆田縣湄州地方并
頒敕文以紀功德又加封天后竝

允冊封琉球國使臣海寶之請令該地方官春秋祭祀在
案康熙六十年臺匪竊發鹿耳門海水驟長數尺
舟師揚帆直進七日之內克復全臺嗣經巡臺御
史臣禪濟布等奏請荷蒙

皇上特頒

御書神昭海表匾額敬懸湄州暨廈門臺灣三處
宸翰輝煌照臨海澨上年土番不法臣欽遵

諭旨徵調官兵六千餘員名并一切錢糧軍火器械載
船至百數十隻經歷重洋風恬浪靜安抵臺灣剋

望主期奏捷是皆憑天示威威孔靈潮動之聖聖然不

聖主敬禮神明得邀天后宏施庇護感應之理昭然不
爽至於出哨官兵商艘賈舶往來海面洪濤怒浪
備旨神爲顯佑之處不可勝紀所在沿海商賈兵民奉
奠禱祀最極誠敬而於省會尤盛查福建省城南臺地
前書方舊有神祠爲萬民瞻禮之所臣等不揣冒昧懇
呈上求

聖恩俯照湄洲等處竝頒

御書匾額

敕令春秋祭祀照依龍神之例督撫依期主祭等更
有請者伏惟天后凡在江海處所靈應如響其名

省會地方如曾建有祠宇而未經設立祀典之處
并請

降旨一例舉行則崇德酬功之

令典昭垂萬禩矣爲此謹

奏

該部議奏

福建總督臣郝玉麟謹

奏爲請

旨事竊查貯庫軍器關係綦重聽其朽敝甚非所宜臣
於上年赴任路過泉州府面訊該府庫貯軍器據

稟現存戰箭三萬枝臣調取驗看略加修整尚堪
應用及臣抵任後查得省庫所貯盛甲甚多行令
布政司造冊具報會同撫臣趙國麟赴庫查驗除
廢礮八十餘門位難以修整又甲械內實屬朽爛
無用者鐵綿甲九千三百餘身鐵盔九千七百餘
頂排線交鎗等一萬六百餘桿只堪鎔鐵其餘不
計外查尚堪修整可備營伍之需者有鐵盔九千
九百餘頂鐵甲綿甲並甲頁共一萬三百身有零
鳥鎗交鎗線鎗等項除從前撥給鎮標各營並失
風戰船以及征臺應用尚有堪修整者一千四百

餘桿又福州府海防同知庫內大小鐵子鉛子共
奏七萬三千六十餘斤閩縣庫內大小鐵子四十八
萬六千餘出又窩蜂子四千六百一十餘斤尚有
黑鉛鐵斤并雜項鐵器甚多俱無斤兩容臣查明
咨部外臣再查庫貯軍裝器械係我

朝平定耿逆及鄭克塽等案收貯各庫報部在案歷
來各員多不經心矚瞭並不造冊具報上司查驗
臣因到任訪問始知而朽爛無存者已難數計若
皇上行追賠則事經數十年官非一任難以指實著追
如再因循閩省地方潮濕年復一年必致朽爛更

多實屬可惜今臺地現議添兵如蒙
皇上俞允軍裝器械在所必需其有堪修整者可否容
臣酌量修整收拾務期堅銳利用修整完竣分別
加謹收貯取具收管備案如有應配用之處造冊
陳報部至外府各縣所貯軍器現在檄查當一併酌
量辦理是否可行臣未敢擅便謹具摺恭請

聖旨遵行伏乞 并鑒
睿鑒謹
奏
足見留心地方庶務嘉是覽之但不可務小而忽大須

將此等事件作為行有餘力則以學文之舉方始克稱
鉅細不遺也

同日又

奏為奏

聞事竊照臺灣北路土番恣肆不法仰蒙
皇上指示機宜官兵刻期蕩定而逃竄餘孽務須盡其
根株免致滋事經臣
奏明酌留官兵駐防搜捕續據各該文武呈報官兵
奉行搜捕以來斬獲有名兇番
名又據內山生番殺獻番首十顆番耳九隻前來

軍營請賞餘番懾威膽落逃匿深山莫可踪跡
思搜察愈急潛匿愈深若聽民番斬馘請賞恐致
冒濫妄殺之弊非所以安良番而靖地方也臣即
一面出示令其自行投出聽候審訊一面著令土
官通事入山曉諭嗣據報稱有大甲西等社逃番
男婦二百零二名日盡行投出竝無一名漏網隨
准巡臺御史暨提臣王郡各咨同前由到臣所有
搜捕臺番餘孽已淨緣由理合恭摺奏

覽
聞再據總兵蘇明良竝臺灣道府稟稱五月十九日夜
水仙宮前舖民陳寶蠟燭店內失火文武各員齊

往協力撲救緣東南風盛人稠地狹風急火猛人
力難施延燒三百餘間除被火民人行司量加賑
恤竝飭該地方文武不時誠諭居民加謹小心防
範外合併奏

聞伏乞

皇上睿鑒爲此謹

奏

前經有旨防火之具不但臺灣一府凡所屬地方皆應
飭令預備實力行之毋忽

雍正十一年八月初四日福建總督臣郝玉麟謹

硃批諭旨

下

全

郝玉麟

奏爲海嶼鎮協各營兵食最關緊要酌議分貯穀石以備接濟事竊照閩省濱海鎮協各營向係分防島嶼者本地產米稀少全資內地接濟每遇青黃不接米價增昂更或風信遲阻商販不前民有官穀平糶之資營兵未免艱於粒食卽如海壇一鎮孤懸海島外附三十六嶼地不產米今年六月內因風信不順該鎮總兵官陳勇以營兵乏食客販不至詳請借給倉穀二千石經臣飛飭福州府照數運借去訖臣思邊海協營如海壇之僻居島嶼者不止一處似應通盤籌畫以備接濟庶不致兵

食有缺乏之虞除汀州漳泉以及延建邵武等處地方或係產米之處或商販不虞缺乏無庸置議外其福寧一鎮界連浙省前任鎮臣顏光旰奏請設立倉儲今現貯穀六千五百餘石又南澳一鎮地居海澳原任鎮臣許良彬奏請捐貯倉穀經前督臣高其倬撥貯穀五千八百五十七石此二處倉儲已足亦無庸置議外若金門鎮額兵二千三百餘名地在孤島之中係屬海外要區澎湖協額兵二千名該協控制重洋爲全臺門戶閩安協額兵二千六百三十餘名地方濱臨大海產米甚少

烽火營額兵九百名該營屹立海中係與浙江洋面聯界要汛銅山營額兵一千二百名四面環海本地甚少田耕日食全賴商販凡此鎮協各營亟應按其兵額綢繆未雨庶幾有備無患擬於海壇鎮酌貯穀四千三百石金門鎮亦酌貯穀四千三百石澎湖協酌貯穀四千石閩安協酌貯穀三千二百石烽火營酌貯穀一千八百石銅山營酌貯穀二千四百石以上共貯穀二萬石於每年青黃不接之時借給兵丁免其加息秋收散餉扣除買補完倉責令該管鎮將盤查出結陞遷離任列

入交代則海疆守汛兵丁永沐
皇在於無既矣此項穀價臣案查雍正五年有浙省運
奏閩截漕穀二十萬石現在穀價銀五萬三千八百
餘兩原係

題奉五十一

俞允買米存貯之項閩省本年早稻豐登現在收穫晚
奏禾亦極茂盛應請動支前項穀價乘時採買建倉
皇上收貯以備沿海鎮營接濟兵食是否可行仰懇

聖主指示倘蒙

俞允另行恭疏具

命題臣謹繕摺具

聖奏伏乞 聖鑒

皇上睿鑒施行謹再論營邊防及兵食等事

奏未亦淋致盈瀾精博文備厚矣

兵食最關緊要應如是辦理者照所議具疏題請

聖 雍正十一年九月初二日福建總督臣郝玉麟署

福建陸路提督臣阿爾賽謹

奏爲請曹瑨二十萬石與五萬石

旨事竊照閩省福興泉漳四府并福寧三州屏藩邊海
控禦島夷設有水陸三提督以及福寧漳州金門

海壇南澳五鎮互爲犄角濱海營制已極嚴密其
延建邵汀四府界連廣東江西浙江三省水陸衝
衢惟汀州設總兵一員其餘皆係協營控制管轄
尚未得宜查汀鎮所轄邵武延平二協內延平距
汀州七百五十里甚屬遼遠更有建寧一協竝浙
閩兼轄之楓嶺一營遠隸福寧鎮管轄相隔千餘
里之外考驗弁兵往返艱苦一切往來文稟動經
四五十日始得遞到倘遇緊急公事難保必無遲
誤是汀鎮之於延平協福寧鎮之於建寧楓嶺等
協營不獨鞭長莫及亦且耳目難周似應因地制

宜未便因循悠忽臣等查建寧所屬浦城松溪等縣與浙江龍泉慶元等處山川相錯又該協駐劄府城濱臨建河實爲水陸要區延平近在肘腋楓嶺卽其門戶應請將建寧協副將改設總兵以延平一協楓嶺一營歸其管轄控制浦城等處并扼仙霞嶺要隘與汀州福寧二鎮亦互爲犄角更得聲勢聯絡矣其水路要隘之處應添防汛兵丁臣等斟酌撥補以嚴汛守至汀州鎮仍轄邵武一協暨本標三營福寧鎮仍轄連江羅源桐山暨本標共六營汛營制俱屬適均而各鎮稽查易周一切

公務不致遲誤似於地方有裨緣係改協爲鎮臣等未敢遽行具

題理合恭請

聖主指示謹繕摺具

奏伏乞

皇上批示遵行謹

會疏題請聽候裁奪

福建總督臣郝玉麟福建巡撫臣趙國麟謹

奏爲據情轉奏事本年八月十七日據候補知府張

奏良弼稟稱良弼家本寒微世受

國恩親父傑由天靖衛守備荷蒙

皇上天恩特擢廣西梧州協副將又奉

命護理廣西提督印務調任廣東福建等省今現任雲

南騰越協副將良弼一介庸愚毫無知識由福建

奏福寧州知州補授本省理事同知陞授知府

聖主洪恩天高地厚良弼父子卽捐糜頂踵未足仰報

萬一感激之忱倍深踴躍伏念良弼賦性愚拙歷

任以來一切政務雖竭蹶辦理惟恐或有遺誤時

懼不能勝任而於弓馬營伍事務自幼跟隨父任

曾經留心學習伏觀我

皇上至聖至明凡於用人之道悉皆量才任使查前任

福建水師提督許良彬現任江南徽州營叅將楊

文成均係候補知州改補武職良弼自揣文武雖

係兩途均爲

朝廷出力懇祈援例仰請

皇上恩准良弼以武職改補則犬馬愚誠矢圖報於生

生世世矣爲此據實具稟等語臣等查候補知府

張良弼自服官閩省以來辦事勇往直前頗爲努

力今據稟請援例改補武職情詞甚屬誠懇該員

年力富强人材壯健驗其弓馬亦屬可觀應否准
其改補

洪恩出自
聖裁倘蒙

俞允另行給咨送部引

見臣等不敢沮抑下情謹據實恭摺具

奏伏乞

皇上睿鑒謹

奏

有旨諭部

同日又

奏為恭報閩省早稻收成分數仰祈

睿鑒事欽惟我

皇上念切民依重農貴粟各省收成分數無時不在

宵旰疇咨之內茲據布政使劉藩長彙報福州府屬閩

縣古田永福三縣收成均有十分候官長樂三縣

收成均有九分福清連江閩清三縣收成均有八

分羅源縣收成七分興化府屬莆田縣收成九分

仙遊縣收成十分泉州府屬晉江永春德化三縣

收成均有十分南安惠安三縣收成均有九分同

安安溪二縣收成均有八分漳州府屬平和詔安
二縣收成均有十分漳浦南靖長泰三縣收成均
有九分龍溪海澄龍巖漳平寧洋五縣收成均有
八分延平府屬順昌將樂大田永安四縣收成均
有九分沙縣尤溪南平三縣收成均有八分建寧
府屬政和甌寧崇安浦城壽寧五縣收成均有九
分建安建陽松溪三縣收成均有八分福寧州收
成七分所屬寧德縣收成八分福安縣收成六分
邵武府屬邵武縣收成十分建寧光澤二縣收成
均有九分泰寧縣收成七分汀州府屬長汀寧化

上杭連城四縣收成均有十分清流武平歸化永
定四縣收成均有九分理合分晰彙報其臺灣府
屬每年收穫較內地稍遲容俟報齊之日另文具
報合併聲明等語臣等伏查閩省仰蒙

聖主福庇連年俱慶有秋今歲收成更比往年豐稔現
麥在米價每石自八錢起至一兩不等民食充足荷

皇上蒙

皇上教養深仁風俗漸臻淳厚械鬪盜劫等案較前頗
少海洋陸路地方俱各寧謐晚禾亦極蕃盛臺灣
府屬早稻收成分數容俟彙報到日具

殊批諭旨

下

伏

郝玉麟

奏外所有內地福州等八府及福寧一州各縣早稻
收成分數理合據實奏寧謹將本亦詳蕃臺
聞伏乞 皇上睿鑒爲此謹

奏 皇上 諭旨 每百石入錢一兩不等只食
閩省早稻收成分數以手加額欣悅覽之

雍正十一年九月二十六日福建總督臣郝玉麟

謹

奏爲姦民私載番人潛入內地事竊照閩省人民貿易外國呂宋地方及偷渡在彼久住者甚多該地

番夷資財豐裕往來熟識難免引誘之弊亟當防
微杜漸經臣於洋船酌添水手嚴禁偷渡案內備
將情形奏

聞欽奉

皇上硃批諭旨臣仰遵

聖訓時時儆惕刻刻留心每見文武屬員嚴令加謹稽
察毋得稍懈因閩安協副將張天駿素常辦事幹
練精細才具明敏特令其密加留心察訪據實速
稟去後嗣據張天駿稟稱有久住呂宋福寧州民
帶有呂宋夷人二名出租船番錢一百五十圓船

主出有保狀與彼處夷主其番人帶有四甲箱番錢約計五千金在大担門外雇小船乘夜到漳州福河廠蔡家村內投住欲在漳泉招人歸伊天主教等語臣聞聽之下不勝駭異適汀漳道郭朝鼎因公在省該員精明強幹才猷兼備適與撫臣趙國麟當卽密諭令其星往確查慎勿漏洩茲據郭朝鼎稟稱訪得番人攜銀前來內地果有其事遵卽密同漳州府知府王之琦選差妥役拏獲船戶劉前郎水手黃祿訊據供稱有久住番邦的福寧州一人名叫蔡祖帶有番人名叫聖哥蔡祖送到

聖主後坂社嚴秀才小名登官家裏隨諭署龍溪縣知聖牌縣孫國柱帶役拏獲嚴登并搜出天主教圖像等書續於嚴登家內搜出番人一名又於嚴登家草堆內搜出番人聖哥一名現押嚴登究出蔡祖務獲嚴審引誘番人潛至內地確情清查番人帶來銀兩有無煽惑良民訊明詳報所有番人二名已天時將善言撫慰安頓妥協處所等語除檄飭究審外臣與撫臣查番人住居外國若非蔡祖勾引何敢帶銀潛入內地其勾引之蔡祖私載之船戶劉前郎水手黃祿窩留番人在家并搜出天主教圖像

之武生嚴登等均應按法從重治罪以儆愚民至
番人聖哥等不應聽從引誘帶銀潛至內地誘人
入教煽惑愚民惟是夷人不知北禁而於內地
天朝法紀卽按律治罪彼亦何辭但臣等伏覩我
皇上天地爲心包涵萬國凡於外域遠人靡不
恩予矜憫應俟此番審明番人果有攜帶銀兩逐一查
出卽覓呂宋便船將該番竝銀兩一併送至呂宋
交明彼地番夷頭目收管使外夷咸知 聖朝稽察周密法度森嚴不敢有犯更昭
聖主寬大洪恩畏威懷德海島遠夷同聲感激矣所有

臣等辦理此案愚見復經密商觀風整俗使臣劉
師恕署陸路提臣阿爾賽水師提臣王郡俱各意
見相符但臣等愚昧淺見是否有當伏乞
皇上睿鑒訓示遵行爲此謹

奏

嚴懲內地勾引之人從寬釋放遠夷辦理甚屬妥協
雍正十一年十一月初一日福建總督臣郝玉麟
福建巡撫臣趙國麟謹

奏爲欽奉

上諭事雍正十年十二月二十日奉

硃批諭旨

下

在

郝玉麟

皇上硃批布政使劉藩長奏請
賞撥海關稅餘銀兩留充公用一案并接大學士張廷
玉寄字內開欽奉

上諭命臣等將養廉公用各項妥帖計議辦理至於錢
糧關係緊要劉藩長任內那墊之數著將劉藩長
名下應得養廉全扣補完其從前潘體豐那墊未
清之項著落潘體豐賠補如力不能完亦將劉藩
長養廉逐年扣補欽此臣等欽遵

諭旨悉心計議隨經詳細恭摺

奏覆所有劉藩長任內那墊之數飭將應得養廉速

卽補完具報其潘體豐那墊未清之項嚴令劉藩
長逐一追補去後茲據劉藩長稟稱潘長一介庸
愚茫無知識仰蒙

皇上畀以閩藩重任職司錢糧出入

殊恩異數毫無仰報通省各員養廉已蒙

聖主賞給至於辦理公務更有耗羨抵用理應通盤籌
畫權衡緩急斟酌辦理乃藩長賦性愚拙遽以耗
銀徵解不齊

奏請撥給海關盈餘銀兩以充公用實屬冒昧之至

荷蒙我

皇上洪慈不加罪斥

敕將藩長那墊之數於名下養廉補完潘體豐從前未

清之項如力不能完亦將藩長養廉逐年扣補欽此

欽遵藩長自蒙

聖訓無時不深悚惕感激愚忱卽世效犬馬亦難報

君恩於萬一伏查藩長原奏潘體豐任內那墊銀七萬

五千六百餘兩今已據各屬完解耗羨官莊并呂

大雲完解支領修城銀兩以及歸補等項共收過

銀六萬三千五百四十餘兩未完銀一萬二千六

十餘兩內呂大雲未補銀四千三百四十四兩現

聖恩在行催完補外據潘體豐之子潘應召稟稱伊父

任內前署總督史貽直長支養廉二千五百九十

八兩零前總督劉世明長支養廉五千一百五十

六兩零稟請催補等語業經轉詳咨催在案至藩

長任內那墊銀一萬六千餘兩凜遵

聖諭已將本任并前任內養廉湊足全數補完今據各

屬將前項民欠耗羨銀一萬六千餘兩陸續完解

天恩清楚現同藩長補完之數一併存貯在庫理合分

聖旨晰造冊送核稟請

聖旨奏達是下總制之至聖旨

殊批諭旨

下

查

郝玉麟

聖鑒藩長不勝惶悚之至等語臣等查劉藩長自蒙
聖訓以來感激涕零

天恩力圖報効其愧悔悚惕之心時形於色茲據稟伊
任內那墊銀一萬六千餘兩已將養廉湊齊補足
聖鑒其各屬未完前項耗羨銀一萬六千餘兩已據陸
續完解清楚一併存貯在庫造具清冊前來臣等
公同查核無異除史貽直劉世明長支養廉呂大
雲未完修城各銀兩現在移行嚴催完補外所有
劉藩長感激

聖恩遵

旨對案辦理欽此

旨完補并據各屬解完耗羨緣由理合據實奏

聞伏乞

睿鑒謹

奏

史貽直長支銀兩著於潘體豐劉藩長名下追補還項
餘俱覽悉

同日又

奏為欽奉

上諭事本年八月二十七日接內閣字奉

上諭朕聞福建古田縣知縣趙琳居官聲名甚好著詢

殊批諭旨

下

查

郝玉麟

問郝玉麟趙國麟若趙琳居官果優著伊等酌量或
知州或同知知府以人地相宜之缺題補欽此臣等
伏讀

諭旨仰見我

皇上鑒拔人材之至意查古田縣地方最屬遼濶縣治
多係大山民俗獷悍趙琳化導有方寬嚴竝用聲
名頗好臣等正擬有相當缺出請

旨陞補因古田最關緊要一時未得其人地相宜之員
尚未題請茲欽奉

上諭

旨陞補因古田最關緊要一時未得其人地相宜之員尚未題請茲欽奉

聖明無遠弗照查該員現丁母憂除會疏

題請給假治喪回閩之日俟有人地相宜缺出臣等

酌量請

旨陞補以示鼓勵合先據實恭摺

奏覆伏乞

皇上睿鑒謹

奏

給假治喪俾得公私兩全甚善似此出色之員當破格
題請優擢以爲親民者勸

雍正十一年十一月十八日福建總督臣郝玉麟

福建巡撫臣趙國麟謹

奏爲恭報閩省晚稻收成分數仰祈

睿鑒事竊查閩省比年以來時和歲稔本年早稻收成更爲豐裕業經臣等據實奏

聞在案今當晚稻登場之候行據布政使劉藩長彙報福州府屬長樂永福古田三縣收成均有十分閩縣連江二縣收成各有九分侯官福清閩清三縣收成均有八分羅源縣收成七分興化府屬莆田縣收成九分仙遊縣收成八分泉州府屬德化縣收成十分安溪縣收成九分晉江惠安同安三縣

收成均有八分南安永春三縣收成各有七分漳

州府屬漳浦漳平平和三縣收成均有九分龍溪

海澄南靖長泰龍巖寧洋六縣收成均有八分詔

安縣收成七分延平府屬大田縣收成十分南平

順昌將樂沙縣尤溪永安六縣收成均有九分建

寧府屬甌寧建陽政和浦城四縣收成均有十分

建寧府屬松溪三縣收成均有九分壽寧縣收成

八分邵武府屬邵武光澤三縣收成各有十分泰

寧縣收成九分建寧縣收成八分汀州府屬長汀

清流上杭永定連城五縣收成均有九分寧化歸

化武平三縣收成均有八分福寧州收成八分所屬之福安寧德三縣收成均有九分臺灣府屬每年早稻收穫較內地稍遲前經漚等各府十次奏明茲據彙報臺灣鳳山三縣早稻收成各有七分晚稻收成各有八分諸羅彰化三縣早稻收成各有八分晚稻收成各有七分并稱臺灣地方本年秋間偶被風雨並無有礙禾稼等語具報前來臣等謹據實分晰陳奏

奏再閩省多產番薯本年尤為豐收更資民食通省米價每石自七錢六七分至兩零不等民人樂

業海洋陸路地方俱各寧謐合併奏

聞伏乞

皇上睿鑒謹

奏

覽奏閩省晚稻收成分數及米糧價值情形朕實額手欣慶此皆卿等忠勤任事感荷

上天慈佑之所致但當益加寅畏毋起絲毫滿肆之念勉之更勉可也

雍正十一年十二月二十六日福建總督臣郝玉麟

奏福建巡撫臣趙國麟謹

硃批諭旨

下

卷

郝玉麟

奏爲據實奏

聞仰祈
睿鑒事竊照臬司一官爲通省刑名總匯必須事事詳
慎一秉至公始爲允協茲按察使李玉鋮自上年
到任以來臣見其年齒雖老然於刑名案件精力
尚能辦理雖遇事每多偏執臣屢次推誠誨勉該
司當下亦常知省悟詎意近來情性甚覺放縱好
惡偏私多以剛愎自用種種悖謬難以悉舉而且
任意瞻徇姻戚毫無忌憚牢不可破臣國麟荷蒙
皇上畀以巡撫重任視事之後於所屬各員賢否詳慎

奏訪察經將按察使李玉鋮居官時有拘執之處於

雍正八年十一月間具摺奏

聞欽奉

硃批覽奏俱悉仍當不時訪察加意體驗可也欽此維

時李玉鋮旋因患病回籍上年奉

旨復任

諭旨不時加意訪察婉切開導該司初時尚知檢點近
來拘執之性又復如故難以冀其轉移臣等竊思

辦理

朝廷公事總在殫竭公忠無纖毫人我之見始能歸於

硃批諭旨

下

矣

郝玉麟

臆或至當若偏執己性任情好惡必至悖謬所關甚鉅
今李玉鉉年已七十三歲看其辦事雖能支持然
偏執悖謬之處較前尤甚動輒以年老辭官爲語
備言言詞舉動顛倒反覆恬不知怪臣等因其素常操
言更守尚好辦事亦勤是以未卽指參但臬司係風憲
大員爲通省百職之表率士民之瞻仰職任綦重
和此輩等不敢瞻徇隱諱謹據實密摺奏
聞伏乞

皇上睿鑒謹于十一日具附奏

奏請察參陳祖本名蔡祝勾引呂宋番

李玉鉉原係庸材所奏知道了

同日又

奏爲姦民私載番人潛入內地謹將審擬罪名恭陳
聖鑒事竊查福安縣姦民蔡祖本名蔡祝勾引呂宋番
人攜帶銀兩潛至內地欲在漳泉招人歸伊天主
教一案情由先經臣等恭摺奏

聞彼時因爲首勾引之姦民蔡祝潛逃臣等一面懸賞
緝拏竝專差星赴福安縣密諭知縣王玲務期弋
獲如稍疎縱嚴行叅處該令當卽分差幹捕四路
緝拏隨於西濱地方深山之內拏解前來當卽押

發按察司會同布政司嚴訊去後茲據該司等行據縣府將各犯審明錄供解司復訊議擬會詳前來臣等核審無異查天主一教本屬妄誕最易煽惑愚氓臣等屢行查禁蔡祝膽敢在外域呂宋地方向番人說及行教情事於雍正十一年六月內勾引番人聖哥携帶銀兩番經木箱行李等物給船戶劉前郎番錢五十圓搭船於七月十九日至大擔門外前郎慮恐塘汛盤詰復向聖哥取番錢三圓僱不識姓名小漁船一隻潛入內港於二十日早蔡祝前郎同引聖哥至嚴登家住下前郎即

回廈門嗣蔡祝復得聖哥番錢十五圓亦回福安縣原籍先有番人萬濟公於雍正十年間自呂宋至廣東香山澳因聞嚴登原係奉過天主教之人來訪嚴登欲行伊教遂與聖哥一同藏匿嚴登家內禮教誦經旋被訪聞拏獲尚無歸教人民再四詰訊各犯矢口如一水手邱招行保鄭瑞於事發查拏之後同赴廈門同知衙門首報臣等查蔡祝將蔡祝于秋審時當定擬情實監候仍嚴加防禁毋忽勾引番人之處供吐不諱法不容追應如司府所擬合依左道惑人律絞監候嚴登合依爲從屬有司者僉妻發邊外爲民船戶劉前郎水手黃祿合

照偷渡船隻水手杖一百徒三年例各杖一百徒
三年又水手邱招合依知人欲告自首者減二等
杖八十徒二年行保鄭瑞合依不將偷渡情由首
明例責四十板徒三年今事後出首應照知人欲
告自首者減二等律杖八十徒二年均無枉縱嚴
登家中搜出天主教圖像等書飭行銷毀番人聖
哥萬濟公_臣等宣佈

皇上寬大洪慈竝

天朝法紀該番等始則戰兢恐懼後則踴躍歡呼望
闕叩頭謝_門_闕蔡祝等_等發_{十五}回_詔文

恩訖隨將蔡祝劉前郎所得聖哥銀兩照數飭追以及
該番帶來木箱行李番錢等物逐一交給收領差
員押往廈門諭令廈門同知卽覓呂宋便船令船
戶照看載回彼國又番人萬濟公一面差押至廣
東咨明該省督臣發交香山澳番目收管以昭
聖主天恩所有審擬蔡祝等各犯罪名以及遣回番人
緣由理合繕摺恭_具奏

奏伏乞

皇上睿鑒謹

奏

覽奏知道了摺尾竝無另疏題請字樣何耶

同日又

奏爲請

旨事竊照閩省沿海居民多有販洋爲業往來外域經

望上營越息以致逗遛番邦者茲據漳州鎮道府縣詳

查獲此案人犯之員弁等當加獎賞以示鼓勵報查獲陳魏楊營等犯攜帶妻妾僕婢竝行李等

物於大擔門外暗雇小船裝載回家經漳州府訊

據陳魏供稱犯生向在廣東貿易於康熙五十三年

年買有茶葉貨物在廣搭船往噶喇吧五十五年

恩請娶了妻室楊氏原是福建人本年犯生回至廣東

買了磁器等貨復往吧國賣完了貨又賣布疋稍

有利息原去的船已回棹不隨於五十六年奉禁

了洋船隻稀少回來不得竝不是甘心久住番邦

自蒙謝收稅回案時主翁請留稅實非尋日

萬歲爺天恩開了洋禁雍正七年纔得回到家裏住了

三年卅年止在蘇州捐舉監生又買茶葉等貨仍

盤世在廣東搭船到噶喇吧原是做生意的人不能歇

業歷次往來上稅照票俱托船戶料理的家中尚

有老母兄弟常寄銀信回家養贍今年春間妻室

不在番留下三箇女兒因無子買了兩箇番妾兩

箇小番使女四箇番僕都是當著荷蘭番官明白
買的帶了些番米行李回家眷回歸故土侍奉老
母永爲吉來土銀照票財計散可排懸前案中尚
盛世良民竝無違禁貨物起身的時節夷印呷啤丹醜
了郭佩的船本年五月裏到太擔門外犯生因今
萬歲次未曾請得牌照派口盤詰嚴謹爲此雇了小船
由太擔外洋回家犯生從前羈留外邦實非得已
竝不是甘心住在番邦的若忘了故土的人於今
就不挈眷回鄉了只求詳察訊據楊營供稱小的
原在同安縣做生意雍正六年正月在廣東將本

銀三百兩買了些茶葉磁器搭船到噶喇吧娶了
妻室郭氏是中國人原要隨船回來的小的因染
了病至八年五月裏仍回廣東買了貨於九年正
月又往吧國這幾次出洋納稅照票都是船主代
圖爲料理的小的有箇哥子楊課原在吧國娶有嫂
子生下兩箇姪兒上年哥子不在了小的娶的妻
恩日室生子兩箇兒子一箇女兒年紀尚小又買了未
箇乳媽三箇番僕俱係番官說定身價買的連嫂
子姪兒共未燕口向番目呷啤丹說明搬眷情由
他配給了高鳳的船於今年六月裏到了太擔門

外因沒有照怕塘汛查驗雇子具隻小漁船由大
擔外洋到家就被本縣拏了小的原是守分良民
自雍正五年奉對身到番官筭家良買買的數數
恩旨開了洋禁漳泉的百姓得到番地做生意如今家
給人足無不感戴土平哥子不忒了小的由是出妻
國恩不但小的不敢忘本即現在外那的俱有思歸
之念小的因愚蠢無知這次誤犯私渡禁令只求
超釋等情供吐在案正在敘詳間復據陳魏楊營
爲叩求轉達下情事呈稱魏等邊海愚民向在吧
番貿易魏因生意牽纏又因禁洋以致淹留番地

皇上營自開禁後出洋不合無照私渡回家甘罪何辭
聖旨但切思漳南一帶人稠地瘠向苦食用不敷深幸
蘇北年以來

聖化覃敷海洋寧謐魏等往來生理獲利豐家實皆

皇恩

帝澤沾被無窮今魏等情願將所獲餘資仿照社倉之
例魏捐穀八千石營捐穀五千石并各造倉廩備
賑鄉黨稍伸報效以贖罪愆乞憐魏等愚蠢無知
宏施祝網加惠閭閻仁澤永垂萬年等語將陳魏
等分別議擬由司會詳前來臣等伏查雍正六年

間前督董高其倬疏稱留住噶喇吧呂宋之人係
康熙五十六年定例以前者定限三年之內准其
回籍如康熙五十六年定例後私去者自不應准
其回籍等因會臣等謹查五十六年定例以前者
帝題欽奉聖諭令嚴禁回籍等因欽此等語
諭旨洋禁初開禁約不可不嚴以免內地人民貪利飄
流之漸其從前逗遛外洋及違禁偷往之人不准回
籍欽此臣等伏讀

聖諭我臣等思東南一帶人財俱萃向苦食田不獲粒幸
皇上訓誡愚民不思故土逗遛外地竝禁其貪利飄流

其思之漸者實屬

天心慈愛之深誠亙古以來所未有也今查陳魏於康
熙五十五年自廣東往噶喇吧經營生理至雍正
七年始行回家係在雍正六年欽奉

諭旨不准回籍之後雖據供從前因生業牽纏又緣禁
洋船隻稀少欲歸不能竝非甘心異地質訊鄰佑
僉稱陳魏實係良民但該犯今於本年七月間未
有牌照挈眷偷渡回籍實屬不合楊營雖係雍正
六年奉開洋禁之後往番貿易但亦無照攜帶眷
口偷渡潛回查陳魏違禁回籍之處律無正條應

與楊營均照偷渡緣邊關塞者杖一百徒三年律
應各杖一百徒三年船戶郭佩高鳳應照偷渡臺
灣人等知而不舉例各杖一百徒三年均屬不枉
今據陳魏楊營呈稱情願共捐穀一萬三千石建
造倉廩備賑里黨以贖罪愆等備查各該犯攜
備口眷回籍情形依戀故土與甘心異域者有間可否
仰籲 旨回案結辦

聖慈准其捐贖予以自新船戶郭佩等照依半連人犯
大小例酌量完結自古以來未嘗也今查刺與杖東
洪恩出自 旨實屬

聖裁臣等未敢擅便謹據情恭摺具

奏伏祈 旨

睿鑒謹

奏

念若等依依故土之情應准其捐贖但飭行地方有司
時加約束毋使任意他往

中福建總督 臣 郝玉麟 謹

奏為欽奉

上諭事本年十二月初九日接到大學士伯鄂爾泰字

一封內開雍正十一年十一月十一日奉

硃批諭旨 下 頁 郝玉麟

上諭馬召南本係庸常之人朕知之甚悉從前在廣西時諸凡懈弛不能勝任是以調用福州城守副將高其倬曾奏伊到閩省後辦理營務井井有條署督標中軍一切俱能切實料理管束弁兵甚是嚴明實係賢能之員可用之才等語當經朕批飭馬召南豈能如此奇特高其倬不過見其相貌故生賞鑒諭令留心詳察又劉世明因提督張起雲之患病保奏馬召南歷練老成可以委令前往協理等語馬召南豈協理提篆之才劉世明所奏大誤亦當卽批飭又郝玉麟因漳州總兵員缺保奏馬召南歷練老成熟諳營

儲務整頓有方委係才具出衆之員等語又阿爾賽保奏馬召南勤敏練達請以署福寧總兵印務朕俱未允行又因馬召南年來辦事未知何如或能革除舊習奮勉主進亦未可定復降旨詢問郝玉麟郝玉麟又極力保薦竝稱到任以來實心實力辦理營務其平日居官阿爾賽稱其才具可用等語朕因郝玉麟身在地方自必知之甚確是以降旨令馬召南署理福寧鎮總兵印務近聞馬召南居心貪鄙舉止輕浮前署漳州總兵印務時因備辦執事等物竝供給宴會一切使用每營各費銀三四十兩不等又收取獲

城租錢藉賞兵名色久已又收受正儀禮物甚多歷
歷有據且於一切營務毫無料理惟知宴會演戲日
以繼夜起更定礮不限更次且有叅革守備張定國
與戲且當場扮演而馬召南附和取樂兵民人等俱
知似此貪劣無恥行止不堪之員郝玉麟阿爾賽豈
無見聞乃竟毫無覺察且謬爲保薦是何意見著嚴
行申飭馬召南劣蹟果實著郝玉麟一一查明具本
叅奏絲毫不得回護前奏瞻徇隱匿欽此遵
旨寄字到陞臣跪讀
諭旨不勝戰兢恐懼惶悚無地馬召南本係庸常之人

久在

皇主洞鑒乃臣愚昧淺識祇就其平日辦理營務之處
查具摺保

奏不意該副將於署漳州總兵任內有如此劣蹟誠
屬下愚不移仰見

聖主知人之明鑒察無遠弗至臣身在地地方不能覺察
謬爲保薦咎無可追荷蒙我

皇上格外洪恩詳切訓誨

敕令查明題叅臣卽捐糜頂踵亦難仰報
君恩於萬一查福寧乃沿海重鎮馬召南似此貪劣無

昏愚恥不便仍令署理臣現在酌量委員前往福寧暫
連令行署理該鎮印務馬名南劣蹟容雖逐一查明據
皇上實

題參請

旨定奪臣誤保於前悔恨無及斷不敢絲毫瞻徇隱匿
自罹愆咎也臣謹恭摺具

奏伏乞

睿鑒謹

皇奏
觀汝存心似有博取仁慈寬厚虛名景象稍若踵襲故

步非徒無益於國且恐有害於己一涉善柔則與邊海
巖疆之任大不相宜矣總惟效法鄂爾泰斯為盡善不
可遺忘前訓誤走邪途慎之母忽

雍正十二年三月十二日福建總督臣郝玉麟福

建巡撫臣趙國麟謹

奏為欽奉

上諭事竊臣等於上年十一月初一日會同
奏布政使劉藩長那墊銀兩已據照數補還貯庫一

案欽奉

皇上硃批史貽直長支銀兩著於潘體豐劉藩長各名

硃批諭旨

下

覓

郝玉麟

皇下追補還項餘俱覽悉欽此當卽飭行該司速卽分補完報先於上年十一月十五日尚未奉

旨之前卽據史貽直解補前任閩督時預支養廉銀三萬五千五百九十八兩有零移咨_臣等飭司收存茲奉諭旨據劉藩長稟稱伊名下遵

旨應分補銀一千二百九十九兩有零已經如數補完潘體豐名下應分補銀一千二百九十九兩據伊子潘應召自限六箇月回籍山東解補等語其史貽直先前還補之項應否發還_臣等未敢擅便相應請

旨遵行至此案補還銀兩細數統咨分晰咨部查核合併陳明伏乞

皇上睿鑒謹

奏

既據解送到閩又何必發還史貽直已曾奏聞矣_{命重}

雍正十二年五月二十二日福建總督_臣郝玉麟

謹

奏爲微弁著有勞績伏懇

皇上格外施恩以示鼓勵事竊照臺灣府治全藉鳳山縣爲之屏藩鳳山一邑又賴鳳彈汛爲之保障是

鳳彈一汛所關甚重查雍正十年四月初二日匪犯吳福生等聚眾合攻鳳彈汛營盤該汛係茨竹爲城所存汛兵不滿二百汛弁係把總黃陞當吳福生率賊千有餘人自四更時合圍攻擊黃陞率眾奮勇拒守直至次日辰時將賊殺死五人擊傷十餘人賊隨解散至初四日賊復會聚聲勢愈重值提臣王郡督兵馳至賊乃大敗逃散鳳邑臺府均得保固實皆黃陞奮勇拒守鳳彈之功臣初聞猶恐未確後提臣王郡御史柏修暨軍前大小將弁備述始末眾口如一查黃陞係臺地把總定例

二年俸滿卽歸內地以千總補用黃陞今已俸滿因吳福生一案准有部咨查取文武疎防各職名黃陞亦在其內因格於成例未便拔補經臣調到驗看人材弓馬均在可觀甚屬可惜實係膽勇出眾功績昭著之弁臣雖在獎賞未足以酬其功可否仰邀

聖恩准帶議處疎防之案補授千總或從優以守備擢

只之用

洪恩出自

聖裁倘蒙

殊批諭旨

下

臣

郝玉麟

聖恩破格超用從此海外大小員弁益加感激奮勉力
圖報效矣應否送部引

見之處伏候

批示以便遵行臣因鼓勵弁員起見不揣冒昧恭摺具

奏伏乞

皇上睿鑒謹

奏

將其拒守却賊功績備悉聲明送部引見題到之日有

旨

福建總督臣郝玉麟福建巡撫臣趙國麟謹

奏為恭報閩省二麥收成分數事竊惟省耕教稼愛

養厘於

宸衷問歲祈年收穫關乎民食閩省地方仰荷

聖主福庇屢慶有秋茲屆二麥登場之後據布政使劉

藩長彙報福州府屬九縣內永福縣收成十分其

餘九分八分不等興化府屬三縣各收成十分泉

州府屬七縣內永春德化二縣收成十分餘自九

分起以至八分漳州府屬十縣內除龍巖平和二

邑地不種麥其餘收成有九分八分臺灣府屬四

縣收成各有八分延平府屬七縣九分收成者四

縣八分收成者三縣建寧府屬八縣除壽寧一邑地不種麥其餘收成有九分八分以至七分不等邵武府屬四縣內光澤縣收成十分其餘均有九分汀州府屬八縣內歸化縣收成十分其餘有九分八分福寧州暨所屬二縣內寧德縣收成九分餘各有八分又按據各屬陸續具報前來臣等詳加察核無異竝據各稟稱本年自春至夏雨水調勻米穀價平臣等備查各屬現今米每石自九錢起至一兩零數分價甚平減民食充裕通省雨水霑足禾苗滋長臣等於勸農之時通行查勘甚屬

暢茂是皆我皇上官德所及臣等感戴由茲皇上精誠感格上迓

天庥如響之應臣等不勝歡忭之至惟有倍加敬畏正己

天恩率屬仰副聖訓之洪慈耳所有各屬二麥收成分數理合恭摺奏

聞伏乞

睿鑒謹

奏

覽二麥收成分數雨水米價情形遙顧海疆曷勝額慶

雍正十二年六月十二日福建總督臣郝玉麟謹
奏爲奏

聞事竊照臺灣番民性本愚蒙行頗恭順前因一二不
聞分法匪類滋擾地方仰蒙

皇上天威遠震除惡安良各社番民得以咸安耕種軍
聖主興之際實心效力迨荷
天恩添設官兵捍衛感激歡呼凡遇用夫車輛公務土
和收官通事無不踴躍向前甚屬可嘉茲據臺灣府知
星土府尹士很詳據鳳山縣知縣陳同善詳稱據岸裡
社通事張達京土官敦仔阿打歪加已眉加由蔴

仕萊等呈爲化及不毛冥頑風動願歸版圖事詞
稱竊惟內山等處生番穴居野處不隸籍中當今

聖天子仁風遠播德澤宏深凡在昆蟲草木尚知鳴樂
聖時向榮生番雖居界外猶具人形能無感激之念茲

沙裡社生番席由敏等願歸版圖納餉供役等情
造具歸化生番戶口冊一本到縣隨喚通事張達
京生番席由敏瓦陳由敏等當堂驗訊據稱沙裡
社界在獅頭獅尾南勢在巴荖遠東勢離岸裡社
三百里因阿打歪敦子同沙里社原是番親因此
出來歸化願作好人大小男婦共一百九十九名

口等供當經各給賞勞諭令歸社并取該通事土
官約束甘結在案事關生番歸化不敢壅於
上聞合就詳請
題達准予歸化載入版圖以廣招徠等情據此又據
臺灣鎮道詳報前來臣卽批行布按二司確查酌
議通詳在案伏惟
聖朝德化宏敷海嶠番黎欣欣向化茲沙裡社戶口錢
糧雖屬無多察其情詞甚屬誠懇似應俯順輿情
遂其依歸之念除俟該司等酌核詳覆到日臣與
撫臣詳晰會

題外理合繕摺奏

聞伏乞

皇上睿鑒謹

奏

覽奏已悉會題到日有旨

福建總督臣郝玉麟福建巡撫臣趙國麟謹

奏爲恭報閩省早稻成熟情形仰祈

睿鑒事竊照本年自春徂夏雨水調勻土膏滋潤栽插
之際又得大雨疊沛禾苗日漸長茂吐華結實穀
穗纍纍形若貫珠臣等因公事出郊目覩嘉穀盈

疇之盛隨順便勸勞農民莫不歡欣踴躍咸稱今年穀穗比往年尤為豐滿將來收成自好等語又據各屬具稟情形相同查栽插在前者現在漸次收穫其栽插稍後之處亦已成熟市米每石自八錢起至一兩有零不等價值平減人民樂業臺灣一府據各地方官稟報雨水霑足禾苗亦極暢發

臣等感戴

天庥恪遵

諭旨惟有倍加敬畏小心翼翼以仰副我

皇上敬聖合辦附奏

天勤民之至意耳除收成分數容俟彙報到日具奏外所

有早稻成熟情形合先恭摺奏

聞伏乞

睿鑒謹

奏

早稻成熟米價平減情形以手加額覽焉實緣卿等文武大臣能同心協力忠誠任事有以感召天和始著斯徵驗也嘉悅之懷筆難悉諭勉之

雍正十三年六月初二日浙閩總督臣郝玉麟謹

奏為海疆重鎮務在得人仰懇

硃批諭旨

下

真

郝玉麟

聖主簡補賢能以收實效事竊照金門鎮總兵許國騰

病故經

題報在案其所遺印務令安平副將高得志署理臣

查金門一鎮孤懸海島與廈門對峙控制外洋實

為臺澎之屏障最關緊要必得幹練之員方克勝

任理合恭請

皇上揀選賢能補授以資料理倘一時未得其人臣查

閱高得志熟悉水務諳練老成人甚明白且征番著

役同高得志一其人必立有非常勞效方可稱為勲績

有勞績前會委署金門深悉該地情形似可駕輕

就熟可否補放

洪恩出自

聖裁倘蒙

俞允其高得志所遺員缺亦屬緊要容臣另選人地相

宜之員會疏

聖題補請

旨合併陳明伏乞

皇上睿鑒謹

奏

高得志原籍江南非生長閩粵者可比水務何能遂臻
精熟朕知其漢仗雖好胸襟甚欠明白況既無出眾之

硃批諭旨

下

夏

郝玉麟

藝又無出格之功一旦超擢鎮任殊覺太驟如不得人
暫令署理以觀後效尚可

雍正十三年七月初一日浙閩總督臣郝玉麟謹
奏爲據實密奏仰祈

睿鑒事竊臣荷蒙

聖恩擢用總督兼制兩省於今年四月抵浙之次卽前
往海寧等縣遍歷東西海塘竝至尖山細加查勘
建築石壩工程已有十分之六從前深有十餘丈
者今海底積有漲沙現在最深處不過二丈有餘
至小塔山則止有一丈五六尺不等看來似易成

功惟一路塘堤內條石塘身者堅固屹立其向用
塊石砌築各塘均不若條石之堅整再原係石塘
後因坍卸暫將柴薪搶修者甚不堅固此外更有
草塘數千丈原因沙土浮鬆不能建築石塘止用
柴土堆砌抵禦潮汐更當加謹修整至以上各塘
臣訪問十百十二兩年雖經隨時搶修冬底竝未
加修隨於彼時同將軍臣傅森撫臣程元章副都
統臣隆昇

欽差大理寺卿臣汪滢內閣學士臣張坦麟等面言如
此險要工程搶修不過權便一時現在塊石各塘

極宜補築柴草各塘均應修整以防風潮不測斷
不可因十一十二兩年並未加修倖免疎虞恃以
爲常況前歲蒙

皇上差內大臣等來浙估築石塘共一萬丈四尺估計
工料銀一百七十餘萬兩并荷
睿算指示尖山石壩建後卽有漲沙亦可漸次改建石
塘之

旨今應於緊要之處亟宜修築仰慰
聖懷爲是諸臣俱以臣言爲然臣隨面諭布政使張若
震給發銀兩採辦物料一面行令海防同知丈量

緊要處所勘估冊報正在恭摺請

旨遵行間不期六月初二日夜風潮猛烈一切塘堤坍
塌十之八九甚屬危險臣細訪從前不行加修之
故實緣諸臣意見不侔十一十二兩年以來錢糧
雖有節省今一旦坍卸如許之多所費加倍若非
仰賴

聖主福庇倘潮水灌注塘內民間田園廬舍能保無虞
時屆伏秋大汛勢難刻緩而石料又一時不能猝
辦只得照舊暫用塊石柴草分別搶修今工程雖
將告竣仍應籌畫經久之計查搶修歲修各塘自

康熙五十四年起至雍正十三年六月歷年所用
錢糧數至一百六十餘萬而塘工一遇風潮仍多
坍卸不能保固是係人力未盡不可悉諉天災惟
聖上有石塘可垂久遠
皇上早已籌及指示甚明卽如原任浙江巡撫今大學
士臣朱軾任內所築石塘五百丈至今十有餘年
毫無撼動其餘凡係條石塘身亦皆完固計有三
千數百餘丈今亟應遵照內大臣海望等所估改
建石塘次第興築始爲萬全惟是條石一時不能
猝辦臣與撫臣已飭令多員預行分路採備屆期

酌派工員各分段落趕辦趕築若地方大吏以及
總理大臣秉公無私和衷辦理未有成功不速者
無如諸臣意見不合每事齟齬將來興舉大工自
必更致參差臣受

恩深重何敢顧避嫌怨知而不言竊見海塘所關甚鉅
總理大臣未能安詳辦理除堵築尖山石壩工程
已有三分之二乃係隆昇一手辦理之事其現議
海塘工程可否另委賢能大員總理之處伏乞

皇上聖裁再應建石塘計一萬丈餘尺若非亟亟辦理
必致稽延歲月務得多員分段趕築庶可計日成

功查府廳州縣各官俱有地方刑名錢穀之責不能分身監督并祈

皇上敕部揀選家道殷實候補候選人員二十員來浙照河工之例分段派委監督工程所需條石除本省採辦之外江南地方亦有石宕可採卽各塘舊石亦多有堪用者一併酌量濟用大工告竣不難沿海地方民人仰戴

皇恩於億萬斯年矣臣不揣冒昧謹陳愚見恭摺具日奏伏祈
皇上睿鑒謹

奏

此奏之可嘉處筆難盡宣奏內各種情形亦朕所備悉但他人不肯如是爽直耳現與廷臣周詳籌計辦理方略議定後另有諭旨

奏



